

經史避名彙考

經史避名彙考卷十

海寧周廣業耕厓

帝王七 晉

晉

高陽氏之後周程伯休父始賜族司馬氏秦末殷王邛都河南因為河内温人邛八世孫征西將軍鈞字叔平生豫章太守量字公度量生穎川太守儁一作字元異儁生京兆尹防防生宣帝宣帝生景文二帝文帝生武帝受魏禪都洛陽國號晉

世祖武皇帝諱炎字安世

世說注引晉世譜作安字按宋書五行志魏起安世殷晉武帝後居

類之

安世武帝字也藝文
聚載帝譜亦作安世

葬峻陽陵

河南通志在河南府洛
陽縣宣靈志三卷同

名義習鑿齒襄陽記向充曰今中撫軍名炎而漢年極於

炎與此殆天意也

蜀志何
朗傳注

鑿齒作漢晉陽秋祖其意謂蜀

以宗室為正魏武為篡以世祖諱炎為受漢祚之符今考

蜀後主景耀六年改元炎興傳不書炎興元年者避晉諱

也郭子章崇論云後主始改元建興兆司馬建公之興也

繼改景耀兆司馬景王之耀也三改炎興兆司馬炎之興

也諱畧云凡炎皆改為盛不知何據

人事

名魏志王肅傳樂安孫叔然注叔然與晉武同名故

稱其字廣業案炎所注爾雅郭璞於釋蟲兩引其說俱作

孫叔然晉諸公贊劉邵本名炎犯晉太子諱改為邵

晉書

傳詳儲副

京兆府君諱防字建公

令式通典晉孫毓七廟諱字議乙丑詔書班下尊諱唯從
宣皇帝以來京兆府君以上皆不別著按禮士立二廟則
諱王父母以下天子諸侯皆諱羣祖親盡廟遷乃捨故而
諱新尊者統遠卑者統近貴者得申賤者轉降蓋所以殊
名位之數理上下之序也先代創業之主唯周追王夏殷
以前未有聞焉顯考以下謂之親廟親廟月祭屬近禮崇
周武王時諸暨為顯考廟周人以諱事神固不以追王所

不及而闕正廟之諱也禮大夫所有公諱又曰子與父同諱明君父之諱臣子不可以不諱也范獻子聘於魯問具敖之山魯人以其鄉對曰先君獻武之諱也此時獻武已為遠祖鄰國大夫猶以犯諱為失歸而作戒著於春秋大晉龍興宏崇遠制損益因改思臻其極以為京兆府君以上雖不追王列在正廟臣下應諱禮有明義宜班下諱字使咸知所避上崇宣嚴之典下防僭同之謬廣業按晉世班諱始於宣帝後雖兼避七廟而京兆以上終不上榜故從畧焉

人事

官制

房喬等

晉書職官志云魏晉官品令有禁防御史

第七品蓋晉初官尚有以防名者受禪後避諱草之宋書

州郡志恭帝元熙元年省揚州府禁防參軍則晉末又置

矣宋官志小府不置長流參軍者置禁防參軍

附避字魏志司馬朗字伯達防之子年九歲人有道其父

字者朗曰慢人親者不敬其親者也客謝之

高祖宣皇帝武帝追尊諱懿字仲達劉次莊淳化閣法帖釋文晉宣帝阿史帖首言之白唐業

帖宣帝未嘗名之法葬高原陵

令式晉書本紀魏嘉平元年詔帝奏事不名孔衍漢魏春

秋冊命太傅為丞相羣臣奏事不得稱名如漢霍光故事

魏志齊王紀注

人事

字名

蜀志先主傳吳壹

字子遠

事詳

華陽國志作吳懿

通鑑

劉焉傳并州殺刺史張益華陽國志作張壹後漢書

作張懿

焉傳及

此曰避諱缺旁書懿為壹傳焉者或改還

本名或直作壹又或訛為益也

漢書叙傳班壹以財雄邊故北方多以壹為字者師

古曰今流俗本多改此傳壹字為懿非也廣業案班懿之為壹必晉人所改也

又後書金城太守

陳懿魏志武紀但言金城邊章韓遂殺刺史郡守以叛而

逸其名吳志宗室傳有二孫壹一為堅季弟靜之庶孫為

夏口督奔魏高貴鄉公詔為侍中車騎將軍一為權之孫

霸之子為車騎將軍疑奔魏者本名懿也又堅同產兄羗

字聖壹三人皆尊卑行次切近不應相犯魏諸王傳有曹

壹吳有諸葛壹呂壹士壹蔣壹其改否無考要不皆慕元

叔之為人也

聶壹字元叔

南史王懿傳懿字仲德

仲德父仕符氏晉太元本

徙居彭城名犯晉宣帝諱以字行宋書本傳俱稱其字廣業案

六朝人凡名犯帝諱者即以字行不復更名自仲德兄弟

始也

詳後

陳景雲通鑑胡注舉正哀帝興平元年涼張天

錫遣司馬綸審注姓譜曰魏志孫文端臣綸直接孫文端

當作公孫文懿唐人撰姓譜諱淵字故舉其字晉書宣帝

紀可証文懿臣綸直亦見宣紀而魏志無之所引書名亦

誤廣業案公孫淵魏志附其祖度傳避晉諱不書文懿之

字姓譜作文端疑亦晉人所改

籍晉詔令凡懿德懿親皆改作茂懿帝詔琅玕王睿南陽

王保曰左右丞相茂德齊聖國之昵屬惠帝詔曰齊王同

成都王穎河間王顒並明德茂親蕭琛謂符堅曰上亦作

懋親元興間詔恭帝曰大司馬明德懋親又作密親嵇喜

謂齊王攸曰大王地即密親任惟元輔王濬傳表留攸曰攸修整義信加以

懿親此史臣之誤亦作睦親庾粲傳元勳睦親庾信宮調曲多士

歸賢戚維城屬茂親陳書都陽王伯山策令德茂親本此

也諱畧云凡懿皆改為美不知何據

觸犯三國志于司馬父子皆王之鮮斥名者惟魏志明紀

司馬懿臨危制變晉書宣紀高貴鄉公紀司馬炎北迎常

道鄉公璜僅陳留王紀司馬炎副貳相國事數處見之耳
吳志亦然至蜀志後主傳建興八年書魏使司馬懿由西
城張郃由子午曹真由斜谷欲攻漢中丞相亮待之於城
固赤陂九年書魏司馬懿張郃救祁山既斥其名復削其
官此則正閏之際史筆凜然矣然此疑陳氏襲舊史之文
奏進時必跳格不書後人補寫之壽既仕晉卒於惠帝元
康七年不應犯本朝諱也

世說鍾毓在景王坐王曰臯繇何如人對曰古之懿士又
文帝問會稽臯繇何如人答曰上不及堯舜下不逮周孔
亦一時之懿士

詳家

世宗景皇帝

武帝追尊

諱師字子元葬峻平陵

河南府孟津縣

令式通典束皙不得避諱議元康七年詔書稱咸寧元年詔下尊諱風師兩師皆為訓詁又公官文書吏人上事稱引經書者復多迴避使大義不明諸經傳咸言天神星宿帝王稱號皆不得變易本文但省事言語臨時訓避而已太常博士華簡言按周禮大宗伯職云禋燎祀司中司命風師兩師此禮文正稱應如丙辰詔書不改其名事下五府博議賊曹屬束皙議按風伯之名所由來遠其在漢魏固已有之非晉氏避諱始造此號也若以異於周禮宜當變改則今國家行事神物稱號多同近代不皆率古蓋亦

簡易以從仍舊隨時之制不足悉變唯兩師之名實由避

諱宜如舊稱廣業案樣議當云兩帥傳寫改為師後

人事名晉書殷仲堪傳父師驤騎咨議參軍世說載孝武

問其父病事注引殷氏譜師字師子計師入官正在西晉

何以名犯世宗諱所不可解知亦作帥也

族通志氏族畧帥氏音率亦作率狀云本姓師氏避景帝

諱改為帥氏宋有率汀急就篇師典常王應麟補注師氏

晉景帝諱為帥氏晉有尚書郎帥曷唐帥夜光開元時校

藝文志宋有道士率子廉見東坡集吳元滿六書正義云後

廣韻公字複姓八十五氏晉書有成都王帳下督公帥

藩本姓公師避景帝諱改公帥氏前趙錄有大中大夫公

帥式廣業按今晉書帥曷仍作師又曷為景趙王倫傳公帥

藩亦仍作師惠紀又主簿師纂文紀相者師圭陶侃傳荏平師權

石勒載紀劉淵臣公師或載紀皆作本字失之矣

書黃伯思法帖刊誤皇象文武帖蓋寓東觀校書郎中高

彪送幽州刺史汲古本刺史第五永箴耳史本云呂尚七

十此云師尚七十史本云明其果毅此云昭其果毅項篤

壽刊本注云師作呂昭作明蓋作史者避晉諱當以此為

是廣業案此見後漢書不應避晉諱意范氏所見史文如

此由潘岳籍田賦甸帥清幾詳推之若關中詩偏師作援

周徇師令皆本帥字也晉人文集中師字甚多例當同之

若三國志所稱義兵

晉書義兵義徒亦同

舟兵水兵起兵分兵

引兵募兵收兵渡兵遣兵縱兵義軍舟軍水軍志軍勞軍

興軍棄軍還軍銳衆興衆賊衆率衆聚衆之類不可枚舉

皆避師字隨宜改易初無成例也

官制通典晉初置三上公以景帝諱師故置太宰以代太師

之名注云晉書惠帝太安元年以孫王岡為太師當時撰

述者誤也又云此太師之互名非周官冢宰之任也

晉書職官

志晉初以景帝諱師故置太宰以代太師之任

書百官志亦云依周禮修置三公之職太師居首景

帝名師故置太宰代之蓋古之太師也又云晉初置太子

此皆誤認為周官冢宰之任當從通典

太傅少傅及愍懷建官置六傳三太三少以景帝諱師改

太師為太帥晉職官志作改太師為太保又按野客集書云景帝諱師以師保為保傳蓋本諸此渡

江後有太傅少傅不立師保又云王國有傳注傳即師也

以景帝諱故曰傳宋百官志云宋世復改為師武帝初制亦謂之師山

公啟事曰王楙為燕王師以上通考同唐六典太師注晉以宣

王名師休周官名置太宰代之以安平王為太宰江左太

師並為太宰又太子太師太傅太保各一人從一品下注

晉咸寧中備六傳之職朗陵侯何劭為太子太師避景帝

諱改為帥安豐侯王戎為太傅武陵侯楊濟為太保其後

或置或否懷帝為太弟又置六傳東晉明帝在儲宮置保

傳之位而無二師廣業案據諸書所言是終晉世曰避諱

不以師名官也

南齊百官志太師太保太傅周舊官漢末黃卓為太師晉惠帝初衛璜為太保自後

無太師而太保為贈

藝文類聚引齊職儀

撰王琚之

獨曰太宰周之

卿位晉武依周置職以尊安平非避諱也

又曰秦漢魏此職晉武以從

祖安平王字為太宰始置安平為省咸寧四年又置按此

職始晉而隱

遠傳乃言范榮仕魏為太宰中郎晉書諱誤

多類此通鑑夫晉此職居者甚少

因之非也

明公卿禮秩曰安平王

亮皆為正官不必脩之意而欲尊安平何反降公從卿此

理易明無足深辨若晉書則有滋惑者如惠帝紀太安元

年書以齊王周為太師通典既謂傳述之誤矣乃永熙之

元立廣陵王通為皇太子以何劭為太子太師王戎為太

子太傅楊濟為太子太保裴楷為太子少師張華為太子
少傅和嶠為太子少保見惠紀及愍懷太子各本傳皆同
通鑑綱目然愍懷傳又言為廣陵王時以劉寔為師孟珩為友
楊準馮孫為文學寔傳亦云廣陵王高選師傳以寔為師
惠紀永平元年以廣陵王師劉寔為太子太
保閭瓚愍懷充頭亦曰諸王師友文學乃絕不知有
諱通鑑安帝隆安四年瑯琊王師何澄下胡身之注云桃
廟不諱復為師而其前惠紀何劭太子太師北堂書鈔引
及太子少師下邳王晃元康元年又皆闕而不釋不知晉書諸
師字並應作帥文選潘岳藉田賦帥清畿李善注周禮
甸師掌帥其屬而耕耨王籍甸師而為帥者避晉景帝諱

也晉書法出傳亦作帥續漢百官志贊云帝道淵默冢帥修德亦其

明證非祧廟也又干祿字書去聲帥帥注云上通下正或

當時變體作帥而傳寫者仍還其本字也但考帝紀諸王

傳晃寔未嘗為太子少師則通鑑之誤正恐與晉書畧似

耳又晉書武帝咸寧三年詔以衛將軍扶風王亮為宗師

通考亦據之又注云梁王彤亦為宗師元帝時汝南王羨彭城王紘皆領大

宗師以江統王舒之事觀之詳家諱必無以祖諱命官之理

當亦如太師之例作帥官志亦但有宗正而無宗師通

典曰漢武置監軍使者魏晉皆有之初隗囂軍中嘗置軍

師至魏武帝又置師官四人晉避景帝諱改為軍司凡諸

軍使置之以為常員所以節量諸軍亦監軍之職也而太

尉軍司尤重故山公啟事曰太尉軍司缺當選上宰監宜

得夙有資重者也宋齊以來此官頗廢通考廣業案魏志

太祖時有軍師荀攸華歆屬司中軍師王凌見魏武紀注

但言為丞相掾屬前軍師鍾繇左軍師涼茂右軍師毛玠皆屬丞

征南軍師楊俊文帝時徐邈為撫軍大將軍軍師趙儼為

征東軍師明帝時儼又轉大司馬軍師杜襲為大將軍真

軍師又為司馬宣王軍師三少主之世則無聞焉蓋嘉平

初既詔有司奏事不得稱宣王名而景王改革軍制後自

諱其名故也晉紀嘉平四年或請改制度景若辛毗於青

帝曰非軍事不得妄有改革

龍二明帝仗節入蜀為大將軍軍師亦明載本傳宣帝紀而世

說新語藝文類聚引同及注引晉陽秋皆改軍師為軍司馬考續

漢志軍司馬乃大將軍官屬親志董卓傳桓帝末年為軍司馬從中郎將張奐征并州

建安三年魏武為司空初置軍師祭酒草去此官魏志于

為軍司馬皆在封黃巾時又武帝紀建安元年十月天子

拜公司空三年初置軍師祭酒是歲用荀攸郭嘉計生擒

呂布時蓋荀攸為軍師至晉復置司馬文紀高貴鄉公景

帝為軍師祭酒也至晉復置司馬元四年始大將軍

增置司馬一人官志諸公及開府位從皆與軍師節制軍

公加兵與持節都督者增置司馬一人

事者不同魏鄧艾傳監軍衛瓘司馬師纂據晉紀文帝志

征西將軍鄧艾屢陳異議使主簿師纂為艾司馬以喻之

瓘傳艾伐蜀瓘為征西軍司尋為監軍軍司蓋可見軍師

晉書
卷之
七

非軍司馬矣

事在陳留王景元四年其後年咸熙之元始有軍司馬山濤則確此時亦未明稱軍司馬臣

追言如此耳水經鴻水篇注有魏征南軍司馬唐基此必卒於晉初也

或晉臺初建軍司未

立曹暫稱軍司馬以避國諱則未可知然壽於毗仍書軍師於瑾但書監軍終不似孫劉諸人誤以幕僚之名加諸王人也今十八家之史既少流傳唐人撰晉書更多舛錯如宣紀言魏國阮建帝為太子中庶子遷為軍司馬此時已無是官必是軍師也通鑑本之作丞相軍司馬文紀咸熙元年帝奉天子西征命從事中郎山濤行軍司事鎮鄴濤傳忽云以本官行軍司馬致使通鑑綱目俱訛作以山濤為行軍司馬鑑注曰傳會之曰行軍司馬之號始此一字之疎貽誤

大矣元紀永嘉初帝為安東將軍都督揚州軍事鎮建鄴

以顧榮為軍司馬吳志顧榮傳注引榮傳明言榮為軍司

馬也藝文類聚載王隱晉書亦作軍司馬通鑑本之是矣其注乃云軍司軍司

馬也書安東軍司顧榮為大軍司馬梁書武帝中大通四年詔羊侃

知東晉以後久無此官來已久此段為所置之則又如元帝以陸玩為軍司見魏

收魏書而元紀不載玩傳又作帝引為丞相參軍凡此皆

由不考故也他若羊祐軍司徐允本字執祭當門杜預以

本官領征西軍司傅祇為安西軍司汝南王亮軍司曹固

南陽王模軍司謝班河間王顥軍司劉沉東海王越軍司

曹馥又太尉王衍懷帝時軍司征西軍司張軌常璩晉書

軍司序仿此職極多

固皆明載之矣

容齋隨筆云司字有八聲引白居易詩四

馬為註蓋晉改軍師為軍司馬武元衡詩唯有白頭張司

軍司其音亦隨而改也軍師祭酒者魏武紀謂建安三年

公還許時初置而郭嘉董昭等傳俱云太祖表為司空軍

祭酒陳景雲綱目訂誤曰時太祖為司空軍祭酒雖非司

空掾屬而亦屬於司空府者也晉職官志云當塗得志充

平諸夏初置軍師祭酒叅掌戎律是魏志所云軍祭酒即

軍師祭酒意史臣避景帝諱而去師字通鑑作表嘉為同

空祭酒已誤廣業案是官置於三年而通鑑繫於元年綱目因之誤也綱目直云以郭

嘉為祭酒尤為失之廣業案魏武紀注載魏書勸進九錫

文有軍師祭酒千秋亭侯董昭則避諱信矣且昭表拜時

太祖尚為司空勸進時太祖已為丞相是凡志所稱丞相

軍祭酒如王朗表漢杜梨之屬亦皆軍師祭酒也但郭嘉

傳注載太祖表亦止稱故軍祭酒郭嘉任俊傳注載魏武

酒侯聲張華傳物志載而魏志自文帝後絕不見此官則

去師字當亦在嘉平間晉世南陽王模有軍祭酒韋輔通鑑

元帝為安東將軍以紀瞻為益州刺史趙厥以成都令費

立為軍祭酒華陽志餘單稱祭酒如高密王泰為司空以繆

播為祭酒之類想即是軍祭酒通考云元帝初置軍諮祭

酒已有之俱在軍師祭酒下即軍師亦次之晉制疑亦相

似如元帝先請賀循為軍師不就及承制復以為軍諮祭

是也今姑依通典以軍師祭酒附軍司復云史臣以軍師

魏官特從實錄軍師祭酒雖始於魏而本朝版行現稱軍
祭酒且軍師祭酒可省師字而軍師師字不可刪故不為
時諱因草之間固非率爾壽所以得稱良史才者不即是
可見哉而晉官志之闕陋從可知矣蜀志龐統傳統拜軍
師中即將世說言語篇注引華陽國志劉脩引士元為軍
師中即將以師為師避諱也今本華陽國志亦誤作師
漢末張陵字處冲自稱天師魏志謂之師君張魯傳華陽志
云自陵之後世有天官蓋晉世避稱天官也晉書郝愔
事天師道
地理野客叢書曰晉以京師為京都廣業案續漢書於五
行郡國二志皆稱京都三國志亦然蜀譙周傳周請身詣

京都通鑑注京都謂洛陽蜀方議降周已為晉諱矣或曰
史臣諱之非周諱也今考魏明帝紀太和三年詔曰既尊
恭皇立廟京都五年詔曰先帝著令不使諸王在京都諸
王傳青龍二年賜趙王幹書若有詔得還京都管寧傳正
始元年王肅廣平太守教下縣曰前在京都聞張子明來至張
楊傳楊謂諸將曰楊當捍外難何事京都此時皆不當為
晉諱則史臣追諱奚疑然觀阮瑀鸛鵒賦云唯翩翩之艷
鳥誕嘉類於京都穢土風而弗處慕聖惠而來徂藝文建
安之世裴松之云魏平於建安十七年已為太冲咏史之先聲矣謂京都
必創名於晉亦膠柱之見也吳志孫皓傳云集於京邑此

洛陽也渡江而後遂稱建康為京邑

宋齊以來因之

附避謚書禮志太康八年十月太常上謚故太常平陵男郭奕為景侯有司奏不可與景王同謚宜謚曰穆王濟羊璞等議無窮之祚名謚不一若皆相避於制難全如悉不避復非推崇事尊之禮宜以諱名之義但及七廟祖宗而已不及遷毀之廟成祭等議同謚非嫌引周公父子同謚曰文為証武帝詔改為簡太元四年侍中王欣之表君臣不嫌同謚詔可

案此避諱闕筆之始蓋東漢之末已有之至晉遂著為令也

太祖文皇帝

武帝追尊諱昭字子上英崇陽陵

令式

晉書

紀高貴鄉公甘露元年詔加大都督奏事不

名

綱目惟司馬昭書不名

武紀帝受魏禪告類上帝曰皇帝臣炎敢

用元牡明告於皇皇后帝以昭告為明告避父諱也蓋自

昭烈以上宋武以下載於史者獨此為變文而晉郊祀廟

祭所用想皆然也宋書禮志亦載之

通考郊社門載康帝即位改元告廟文曰

維建元元年正月孝曾孫嗣皇帝諱護遣云云敢昭告於

皇祖高祖宣皇帝云云又曰敢薦告事云云明告於皇祖

高祖宣皇帝穆皇后張氏其告始祖廟等十一室詞

並同案下言明告則知上言昭告者傳寫之誤也

不事

吳志韋曜傳注曜本名昭史為晉諱改之唐業案

昭於鳳皇間為孫皓所誅時吳尚未亡也何本傳及孫休

蹟
作
蹟
蹟

傳皆改之孫權時有張昭不諱薛綜傳載華覈上皓疏曰
少帝時更差韋曜周昭字恭遠薛瑩梁廣及臣五人訪求往
事又曰昭廣先亡曜負恩蹈罪一改一否文頗蹟駁豈以
曜書獨傳故改之歟魏志注引韋曜吳書稱曹操為太祖
則為史臣追改無疑今三國志注宋書官志俱作韋曜而
國語史記注則仍作昭吳志孫堅傳會稽妖賊許昌與其
子韶扇動諸縣孫堅傳注引吳錄兩稱許昭後書靈紀許
生注引東觀記作許昭續漢書天文志許昭父生為越王
則以昭為韶亦避諱也嵇康父亦名昭字子遠見集注引嵇氏譜傳逸
之晉書因而不著漢王昭君改為王明君文選石崇明君

辭序明君本昭君以觸文帝諱改之齊褚淵取樂器為明
君曲亦曰明妃楊凌明妃怨漢國明妃去不還杜工部昭
君村詩生長明妃尚有村宋人多明妃曲明一統志王嬙字昭君
避晉諱改明稱歸人今歸州有明妃廟祖述傳有晉嬙並
北傳寫之誤
蔡邕女琰字昭姬見後漢書注引列女後傳而本傳作字
文姬疑亦因晉諱改晉書陸機傳辨亡論云張公為師傅
即張昭周瑜陸公魯肅呂蒙之儔下公字家諱上公字避文
帝諱也師傅當作師傅否則無避其子而斥其父之理
音昭穆之昭擊虞決疑要錄前後漢書注俱云避晉室諱
學者讀昭為韶李涪刊誤云禮記昭明也穆美也晉武以

父名昭改為韶音厯代已遠豈宜以晉氏之諱行於我唐
哉今當復為昭穆郭忠恕佩觿辨之曰說文自有伯穆之
字本當音韶以伯為昭蓋借音耳李蔡酒說失之朱子語
類亦曰昭如字其讀為韶先儒以為晉避諱而改然禮書
亦有作伯字者則假借而通用耳說文伯字注廟伯穆从
人召聲市招切徐鉉繫
傳曰說者多言晉已前言昭自文帝名昭故改伯穆為伯
穆據說文伯作韶則非晉改明矣廣業案說文韶穆亦晉
所改通鑑晉安帝元興三年左昭右穆注云昭本如字為
漢諱昭改曰韶或曰晉文帝名昭故讀曰韶陳景雲舉正
以為漢代諱昭未見所出漢當作晉至陳武帝永定元年
二昭二穆注乃引李涪曰昭本如字云云與安帝
紀同上尤為誣

因而舉正反不之及何也但諸書所言晉諱皆謂改音未

言易字

雲麓漫錄昭穆本作昭穆諸晉改呼昭葉子奇筆木子張世南游官紀開晉諱改昭穆為昭音昭必

昭字之說唯野客叢書癸辛雜識俱云以昭穆為昭穆顧起元

說畧并云唐世猶以昭穆為昭穆宋始改正今考武帝時

摯虞嘗上族姓昭穆十卷議禮諸臣亦屢用昭穆字推之

簡文哀策背華殿之昭晰王珣孝武哀策昭哉我皇俱未

嘗作韶及觀文選顏延年應韶燕曲水詩昔在文韶今唯

武穆季善注晉文王諱昭改為韶又左傳襄四年金秦肆

夏之三杜注引周禮三曰韶夏釋文正義皆仍之在周禮

自作昭夏乃知諸書用昭字者始皆作韶後人傳寫改還

本字也徐鍇所見說文伯尚作韶則謂宋始改正信矣若諱畧云韶穆又作明穆寔未之前聞也

禮晉書樂志改昭武舞曰宣武舞

昭夏已見

地理志改昭武縣為臨澤

晉地理志

昭陽為邵陽

舊唐地理志

作昭

武

吳為

邵武昭歡為邵歡

宋書郡志

昭陵為邵陵

魏志

曹真

父名邵而真於明帝初封邵陵侯注云若非書誤則理不

可諭廣業案水經資水過邵陵縣之北注云魏咸熙二年

吳孫皓分零陵北部立邵陵郡於邵陵縣故昭陵也又邵

水逕邵陽縣南故昭陽也又北注邵陵水考續漢志昭陵

屬長沙郡昭陽屬零陵郡正鄭氏所謂故縣魏明帝時昭

陵屬吳封爵遂寄嘉名貞所封實昭陵侯也至咸熙二年
晉武受禪孫氏始改郡縣名以避文帝諱承祚據後名
書昭爲邵遂與真父名同其理易明裴氏偶忘之耳水
經東漢人作邵陵亦據後名者乃晉世原本如此非原文
也其昭陽之爲邵陽亦因晉諱郡與縣名隨以變焉

觸犯隸釋郭輔碑無時代歐陽以爲漢碑趙氏以爲魏晉
字今碑有兩昭字晉人所諱疑此是魏刻碑有昭示來嗣
昭示萬祀

案武帝立七廟上至征西府君而追尊止於宣帝故晉
書本紀始於宣徐爰曰魏以武命國志晉以宣啟陽秋

然魏武以上又追尊三世晉追尊至宣又不同也

孝惠皇帝諱秉字正度趙王倫篡位號為太上皇葬太陽陵
附年號武康縣志初名永安晉武帝改永康後改武康以
惠帝永康年同故也

避年號始此

孝懷皇帝諱熾字豐度

冊府元龜作豐美

後入平陽劉聰偽封為

平阿公更封會稽公尋被殺葬晉州平陽縣

孝愍皇帝諱業字彥旗一名子業後入平陽劉聰偽封為懷
安侯尋被弑葬晉州平陽縣

名義通鑑考異曰晉書愍帝諱鄴又改建鄴為建康按三

十國春秋愍帝名子業或作業又吳志孫權改秣陵為建
業取興建基業為名皆不為鄴字今從之廣業案十六國
春秋前趙錄秦王業亦作司馬鄴又劉粲曰興兵聚衆者
皆以子業為名晉書戴記作子鄴王通元經作鄴薛收傳
作業魏收魏書作業紀帝所傳互異惟下寶晉紀論曰劉向
之識云滅亡之後有少而水名者得之上諱業故改鄴為
臨漳漳水名也今升晉人其言諱業信而可據矣至考異
以吳改建業為証是又不然宋書州郡志晉書地理志並
云孫氏改秣陵為建業太康三年分秣陵北為建鄴改業
為鄴蓋秣陵漢舊縣吳改建業孫權傳建安十六年改秣陵為建業晉武平

吳遷為秣陵太康三年分秣陵之北為建鄴則建鄴改自武帝而避諱始於建興各不相蒙也史臣不知鄴為偏諱見其諱鄴遂謂帝名為鄴溫公忌為太康所改因援以寔帝名均失之也

地理晉書愍紀

建興元年秋八月改建鄴為建康

地理志同改

鄴為臨漳廣業案是年四月丙午奉懷帝崩問士申即位改元秋改避御名至四年十一月蒙塵於平陽史文甚明宋書州郡志於建康云愍帝即位避帝諱改為建康是也於鄴則云屬魏郡江左避愍帝諱改臨漳似臨漳之名始元帝矣魏書晉傳并謂叡改建鄴為建康今考武紀太康

元年王濬以舟師至建鄴之石頭孫皓降此吳之建業也
當作業三年吳故將莞恭等反害建鄴令此晉之建鄴也
當作鄴此後皆稱建康元紀建武元年晉王立宗廟社稷
於建康宋書百官志有建康宮蓋自元帝迄五代皆仍是
名又晉碩癸傳惠帝幸臨漳應詹傳臨漳人氏無不詣之
魏書司馬叡傳從晉惠帝幸臨漳地形志亦名臨漳石勒
都洛陽仍稱鄴九卷和州新唐書新唐書鄴郡有臨漳縣今屬彰德府夫以喪亡
之主而諱傳歷久莫更非元帝中興不致此故謂東晉奉
愍帝諱則可謂東晉始避愍帝諱則不可也

觸犯金石文字記晉周孝侯碑今在宜興縣前署晉陸機

撰王羲之書末稱唐元和六年重樹其文多訛謬是不讀
史者僞作此碑本唐人之書故業字晉諱而直書不避其
於唐諱則世字二見皆作廿虎字二見一作虎一改作默
基作基豫作預

嘉慶二年夏六月二十有八日校起 耕屋

經史避名彙考卷十一

海寧周廣業耕種

帝王 八 東晉 附楚 十六國

東晉

東晉

宣帝子琅玕王柚字子將生恭王覲

世說注引朱鳳晉書作璉

字

思祖覲生元帝建興末愍帝遇害平陽奉遺詔稱晉王旋即尊位都建康是為東晉

郭子章秦晉論沈約宋書云瑯玕國牛姓者與恭王妃夏侯氏私通生中宗因遠叙宣帝以毒酒煞牛金符證其狀魏收曰云司馬叡晉將牛金子也宋孝王曰收以叡為金

子計其年全不相干史通謂收黨附北朝承其說妄善乎
晉人之謠曰五馬渡江一馬化龍元果牛姓當云一牛化
龍矣觀明帝貶汝南王宗為馬氏則單言馬且不可況易
以牛乎唐元行冲著魏典引魏明時西柳谷瑞石有牛繼
馬後之像以道武名捷繼晉受命當之亦曲說也

中宗元皇帝諱肅

魏書及宋書
讀書正音肅
肅音肅肅音肅肅音肅

字景文

小字銅環

宋書符瑞志
魏書作夏侯
魏書曰銅環
銅環音肅肅音肅

葬建

平陵

西晉諸陵以高峻崇為名東晉皆取以平為名
府志肅元明成泰四陵在鷄籠山皆不起墳是也

不事

字南史王懿傳懿兄叡字元德名犯晉元帝諱以字

行晉書李特載記晉羅尚使益州從事任明偽降於特

尚傳作任銳華陽志作任叡俗本訛蓋叡其本名訛為銳又

避諱作明然文帝諱昭改明不應叡復為明

肅祖明皇帝諱紹字道徽葬武平陵

晉書嵇紹傳載簡文詔不書名南陽王模傳廣平太守丁邵良吏傳作丁紹蓋紹其本名邵為避諱雜採諸書遂至異同耳若李蜀傳義熙元年使黃始奉表詣闕曰中宗元皇帝基天紹命是犯諱也

顯宗成皇帝諱衍字世根

齊書述書載案

葬興平陵

成恭杜皇后傳后母裴氏太尉王夷甫外孫夷甫王衍字也避成帝諱故稱其字世說王夷甫見首卷言語以後皆

不言名注引晉諸公贊夏侯元進改阮籍劉漢戴奧皆名

惟夷甫稱字此蓋江左以來原文或劉孝標避梁武諱也

至武帝孫濟陰王名衍吳王晏子見諸王傳乃成帝之從祖其時司

宗譜者何人而名之重複乃爾疑有誤

康皇帝諱岳字世同葬崇平陵

魏地府志今江寧府鍾山西南簡文孝武安恭四陵同

名義元經傳康帝諱嶽廣業案晉書帝改元建元或謂中

書令庾冰曰郭璞識云立始晉書郭璞傳及魏書作建元誤之際邱山傾

立者建也始者元也邱山諱也郭璞傳云邱山上名則作嶽者誤

〔今通〕典東晉康帝名岳太常言被尚書符解列尊諱無舊

詁是五山之大名案釋山篇曰山大而高曰嵩今取諱宜

曰嵩如辭體訓宜詳其嵩議未允當更精詳禮文正上徐
禪議謹按輒闕博士王質胡訥許翰議案爾雅無舊訓非
可造立五山之名取其大而高也其詩曰於皇時周陟其
高山則岱衡華恒也周禮謂之五岳詩人謂之高山字無
詁訓而有二名今若舉名之別宜曰高取義為訓宜如前
曰嵩

人事

名陸務觀老學菴筆記晉人避其君名猶不避嫌名

康帝名岳鄧岳改名嶽廣業案晉書本傳鄧嶽字伯山不
言避諱及觀劉嶽傳云嶽本名岳以犯諱改後竟改名為
岱而王楸野客叢書又云康帝諱岳以鄧岳為鄧岱

晉書
不載

則是劉鄩二人皆以避諱先改嶽後改岱也又晉書王遜傳遜遣將軍姚崇擊李驤於堂琅水經注若水條其作姚岳事在明帝太寧二年是姚岳避改崇也葛洪曰近夏侯湛潘安仁並作補亡詩潘獨舉字者避康帝諱世說夏侯湛作周詩成示潘安仁亦一名一字岳本傳作岳

制官晉王敦傳岳牧作嶽牧

地理野客叢書以山岳為山岱

孝宗穆皇帝諱昞字彭子葵永平陵

應天府志今江寧府幕府山西

附謚晉書王述謚穆以避帝改曰簡

哀皇帝諱丕

法帖作平

字千齡葬安平陵

名義魏書昭成紀建國二十四年司馬聘死衍子千齡僭
立二十八年司馬千齡死弟雲僭立晉列傳亦云庾水廢
衍子千齡立其弟岳獨書哀帝字者蓋避太尉平公諱也
然晉書成紀遺詔千齡耿耿未堪艱難司徒琅玕王岳親
則母弟體則仁長云云則千齡本名也意後改名丕遂以
千齡為字耳

廢帝諱奕字延齡桓溫廢為海西公

太宗簡文皇帝諱昱

簡文紀永昌元年詔作子昱

字道萬

藝文類聚引晉中興書字道方

統萬字之說蓋古萬字作萬猶三十國春秋本梁湘東世子

蕭方等撰隋書經籍志說作蕭萬等也新唐書藝文志又脫

蕭方等 葬高平陵

令武

晉中興書太和元年詔會稽王

帝即

以丞相錄尚書

入朝不趨贊拜不名劔履上殿

世說簡文在暗室中坐

召宣武

桓

至問上所在簡文曰某在斯時人以為能

通典上書犯帝諱議晉博士孔晁上書犯帝諱後自上又

觸諱而引詩書不諱臨文不諱有司奏以慢論詔曰晁自

理頃所稱引雖不與今相值然情有所由其特原之然則

自今以後三帝諱情亦瞿然長吏以上足閑禮法可如舊

科其餘散官以下但有謬語者不可具責又古者內諱不

出宮但勿聽以為名至於吾名但在見避過禮其或過謬

皆勿却問以煩簡書也

案孔晁嘗注逸周書不能知其為何帝時人觀詔中有
避吾名之文當是康獻褚太后臨朝時也其所犯帝諱
當是康穆哀簡文諸帝今錄於此

地理

郡水經注清陽縣避晉簡文諱更名雲陽

烈宗孝武帝諱曜本名昌明葬隆平陵

石義本紀諱曜字昌明藝文類聚引晉中興書云烈宗

晉

不載孝武帝諱昌明魏書昭成道武二紀晉列傳十六國
春秋陶宏景刀劍錄並同世說注載宋明帝文章志云孝
武帝諱昌明初簡文觀讖書曰晉氏祚盡昌明及帝誕育
東方始明故因生時以為諱而相與忌告簡文問之乃以

諱對簡文流涕曰不意我家昌明便出晉書亦言簡文見
識云晉祚盡昌明帝在孕李太后夢神告曰汝生男以昌
明為字及產東方始明因以為名徐鍇說文繫傳曰昌即
明也詩東方昌矣東方明矣故孝武以東方明時生名曰
昌明也堯山堂外紀載王子年歌識云帝諱昌明運當極
又劉裕以識云昌明之後有二帝故立恭帝以應之則昌
明為諱審矣今云諱曜字昌明不知何時所改又案簡文
紀咸安二年立會稽王昌明為太子五行志哀帝三年廬
陵西昌縣修明家有偃栗樹復生及孝武嗣統識者竊謂
西昌修明之祥帝諱寔應焉通鑑太元八年苻堅大舉入

寇詔曰其以司馬昌明為尚書左僕射

此本魏書若載此云先提之日以帝

為云云乃史臣之詞

符堅未曾稱帝也合三說言之改名當在肥水告捷之

後然終不應以昌明為字也

安皇帝諱德宗字德宗

通鑑注

桓元

本字

廢為平固王尋反

正為劉裕所弑葬休平陵

晉書南陽郡公魯宗之元興十二年詔恭帝曰大司馬明

德懋親是不偏諱

案帝有二名始此元經傳但言諱德宗不載字

滕帝曰

目知錄云名字相同起於晉宋之間平仲雜說首孔安

國云皆以名為字史之所載如晉安帝恭帝會稽王道

子之類皆與字以敬名之意相悖又云兄弟二名而用
其一字者謂之排行如德宗德文義真義符之類亦起
晉宋漢人所未有也

恭皇帝諱德文字德文禪宋封零陵王英冲平陵

案晉世班諱之典禮志不載據通典及南齊書則當時
榜題諱訓一遵漢制也今無可詳考而唐人所撰書每
有因避唐諱而反斥晉帝之名者如三國志公孫淵不
書字為避祖宣帝諱也太宗撰本紀以淵為神堯名改
書字曰公孫文懿尚書郎師曷易姓師為景帝諱也趙
王倫傳改曰師景以避世祖雖尊親異代而史體終率

考古者將安所據乎然自魏鼎將遷典午兄弟每托清
元以濟假譎觀於臯繇之間遙遙之戲競以父名矜為
捷對事可知矣平吳以後風教甫行而紀綱旋墮武帝
諸兒日尋干戈樂託之士困躡不展於是激而為豪宕
神雋之談遠移江左蓋尚脫畧簡文固惠帝之流孝武
非中宗之匹求如伯達桃符正不多得而欲從事非經
見之書以考訂之難矣

附叛逆

楚桓元字敬道小字靈寶譙國龍亢人祖彝晉散騎侍郎
父溫封南郡公元襲爵後篡位偽號楚伏誅僧謚武悼皇帝

小名錄元母馬氏夜坐月下流星墜銅盆中如三寸火珠
以酥接取吞之有娠及生有光照室占者云宜字為天靈
寶宣武嫌其三文復字為神靈寶猶復同三却減神一字
名曰靈寶事見劉敬叔異苑云晉太廟董引時晉陽秋云
廣母馬氏本表其之妓亦見陶潛校神後記
廣業案晉世小字盛行友朋稱謂絕不為嫌觀世說可見
晉書本傳元即偽位於姑孰城南立郊以元牡告天百僚
陪列而儀注不修忌稱萬歲又不易帝諱時左右稱敬
道為桓詔桓允本字諫曰詔非稱謂唯聞北虜以符堅為
避改符詔耳元不能改

真字茂倫

宋書州郡志平蠻郡本名平夷避桓溫諱改扶縣本曰夷亦避溫諱去夷稱扶水經注夷道縣改曰西道夷水出房陵桓溫父名夷改曰蠻水朱謀瑋箋曰案晉書溫父名彝此云名夷盖嫌音之同也後秦錄姚泓傳有寧朔將軍安夷宋書作安蠻疑亦為溫諱也

桓溫字元本字避改子小字掣兒追尊宣武皇帝廟號太祖葬永崇陵

晉書桓元傳溫幼為溫嶠所賞遂名溫嶠笑曰果爾後將易吾姓也子元纂逆發詔為溫諱有姓名者一皆改之世說桓元義興還後見司馬太傅已醉坐上多客問人云

桓溫來欲作賊如何元伏不能起又桓南郡被召作太子

洗馬船泊荻渚王大

枕小字

往看桓為設酒王不能冷飲頻

語左右令溫酒來桓乃流涕嗚咽王便欲去桓以手巾掩

淚因謂王曰犯我家諱何與卿事王嘆曰靈寶故自達

一作

遠又元呼人溫酒自道其父名既而曰英雄正自龕疏

宋書州郡志興古郡宛暖令本名宛溫為桓溫改

案晉書敬道以祖彞以上名位不顯不復追尊立廟吏

部郎曹靖之所謂大楚之祭上不及祖也魏書言曾祖

以上名位不顯故不列序以王莽立九廟見譏前史故

以一廟矮之然則彞溫合為一廟也宋書高祖鎮石頭

焚桓溫神主於宣陽門外

王敦字處仲小字阿黑琅玕臨沂人明帝時謀逆死

本傳明帝親征詔曰敢有捨王敦姓名而稱大將軍者軍法從事廣業案敦於元帝時自為丞相武昌郡公明帝太寧初詔敦奏事不名尋自為揚州牧謀逆則當時固無敢斥其名者矣但敦嘗請卞敦為軍司不知當時作何稱謂也魏書晉傳言紹致書於敦稱孤子紹

附

十六國

漢 趙 蜀 前涼 前燕 前秦 後秦 後燕 西秦 後凉 南凉 南燕 西凉 北凉 夏 北燕

漢

亦稱 前趙

劉氏新興匈奴人自謂其先本漢室甥冒劉氏至

左部帥豹生子淵惠帝永興初據離石稱漢王追尊後帝禪
為孝懷皇帝立漢高祖以下三祖五宗神主祭之徙都平陽
僭稱帝國號漢至曜徙都長安改稱趙

高祖光文皇帝名淵字元海葬永光陵

十六國春秋前趙錄後但著錄者皆出十六國春秋淵十五載記月生左

手有文曰淵海遂以為名

梁王名和字元本字避改泰為聰所殺

烈宗昭後趙錄無昭字武皇帝名聰字元明一名載葬宣光陵

案愍帝將降於曜詔張寔曰羯賊劉載僭稱大號云云

則當惠帝青衣行酒之日尚未名聰也劉琨於愍帝初表稱聰陳

敬帝永定九年詔侯景滔天踰於劉載

靈帝通鑑作名縈字士光為新準所殺

劉曜子淵族名永明為石勒所滅

趙亦稱石氏羯人匈奴別部羌渠之後至耶載記其於尊

宣生周昌朱一名乞翼加尊元帝生勒惠帝時據襄國僭號

稱趙從子虎徙都鄴至冉閔稱魏通鑑訛

高祖明皇帝名勒字世龍初名匄載記或云小字匄勒魏書又

音背汲桑命以石為姓勒為名載記又字元本字羊後趙錄趙

斷中有大石二丈許自立石勒命虛葬高平陵

人事字名載記勒從部大胡部張匄督歸劉淵淵以勒為輔

漢將軍平晉王勒因命匈奴為兄賜姓名曰石會蓋不欲令與己舊名同也

物類

植勒

崔思錕齊民要術注蘭香者羅勒也中國為石諱

改今因以名焉且蘭香之目美於羅勒之名故即而用之

廣業案後趙錄云呼羅勒曰香菜

郡中記嘉本

朱翌猗覺寮

雜記云君勒據長安北人以羅勒為香菜至今不改必當時犯諱令嚴故人不敢犯後趙錄又云呼訶黎勒曰訶子

藥名見松含

南方草木狀

用

太平御覽

刑

郭中記曰虎諱言勒呼馬勒曰嚮

廣韻

及

劉芳

後魏

詩箋

音義證云嚮是御者所執不得以嚮為勒

以勒為轡者蓋北人避石勒名也今南人皆云馬勒而以
鞚為轡反覆推之此為明證詩稱執轡如組又曰六轡在
手以所執為轡審矣今俗儒咸以轡為勒曾無寤者廣業
案漢書匈奴傳鞚勒一具前燕錄乾歸見神人乘白馬金
銀鞚勒自天而墜蓋知當時單騎未有稱鞚轡者隋書五
行志梁大同中童謠曰青絲白馬壽陽來後侯景破丹陽
乘白馬以青絲為羈勒南史侯景傳作青絲為轡尚仍石
氏之諱也

海陽王名宏

本字避
改後同

字大雅為石虎所廢

後趙錄勒謂徐光曰大雅悖悖殊不似將家子又謂程遐

曰大雅冲幼遺命曰大雅兄弟宜善自保皆呼其子字慕容偽亦字其子曰景茂又大雅之子名宏與魏顯祖高祖同也

太

祖武皇帝名虎字季龍

載記云勣從子世說注趙書云勣從弟

葬顯原陵

地理

山川

長安志渭南縣倒獸山引十六國春秋王嘉隱東

陽谷石季龍兵亂遷於倒獸山即此藍田縣載此山作倒虎山知此獸字避石氏諱而改

物類

植動

陶穀清異錄石虎時號虎為黃猛以避諱故也廣

業案唐人作載記避國諱以獸代之如季龍曰朕嘗謂良臣如猛獸又青州言濟南平陵城北有石獸夜移在城東

南善石濟上季龍大悅曰獸者朕也既比臣以獸復以獸
自稱讀史至此幾欲失笑至後趙錄載建武九年武鄉送
雄虎變為雌產一狼子曰噬虎腦而殺之魏書言虎造格
虎車四千乘載記作格獸車四千乘案格
虎車猶孫權之射虎車也當時恐無此稱
如陶之說前當云石黃猛後當云雄黃猛格黃猛車也案
左傳楚人謂虎於菟漢書叙傳作於擇如淳音構
師古音塗又曰楚
人謂虎班然則代於菟及班可矣

宮戴記云勒使虎鎮鄴三臺三臺者魏武所築虎加崇飾
之陸翹鄴中記云銅爵金鳳水井三臺皆在鄴都北城金
鳳臺初名金虎至石氏改今名建安十五年作銅爵臺
十八年作金虎水井藝

文類聚引鄴中記曰中名銅雀北則水井又曰西臺高六十七丈上作銅鳳而無金虎徐堅初學記引鄴中記曰魏武立臺中名銅雀臺南名金獸臺北名水井臺水經注石氏於鄴城北築三臺皆因城為基其高如山中銅雀臺南金雀臺北水井臺廣業案三說互異酈氏以金虎為金雀蓋金鳳之訛至徐堅之改金獸歐陽氏之作西臺則皆因唐諱也玉海宮室門引魏都賦注有金虎臺而以水經注作金雀為異殆偶忘石氏諱耳近刻改為虎非也

用後趙錄建平三年勒為虎名改稱白虎幡為天虎幡又改虎頭犖囊為龍頭犖囊

熊王名世字大業為遵所廢開所廢

齊王名遵字大祗為鑒所廢

代王名鑒字大朗一作郎非亦人避諱朗字敬平冉閔殺之

武悼天王名閔字永曾小字棘奴本姓冉虎善僭號後復姓

通鑑作復姓李為慕容廆所滅

閔父騶字宏本字武本姓冉名良故劉曜載記作石騶李

矩傳又皆作石良偽尊烈祖高皇帝

蜀亦稱漢李氏略陽臨渭人本巴西宕渠賈人世說引其先

廩君之裔自特曾祖虎載記避唐諱作武張貞遷畧陽號為

巴氏虎子慕為東羌獵將生特據蜀特生雄僭稱成都王繼

稱帝國號成至壽改號漢

特字元

本字

休雄追尊始祖景皇帝

李雄載記云晉羅尚為雄所攻留牙門羅特固守委城夜遁特開門內雄遂克成都華陽國志云尚留牙門張羅持城終夜北雄覺去已遠倉卒失節旋羅特從後得之持城似言守城羅特又似名然其後又言巴郡太守張羅字景治疑羅特降雄後避諱改名而張羅另為一人也

太宗武皇帝名雄字仲儻

初學記引華陽志御覽引蜀李壽

地奏獎或守心以宗廟禮廢初國董皎等議以為景武出業
戲文承基至親不遠無宜疎絕勢更令祭特雄因號曰漢王
則似特雄景武等諡戲文也景武文顯景武載蜀李雄
書曰武皇帝雄泰成五年而高帝足來翔是景武武莫安都

陵

哀皇帝名班字世文為李越所殺

幽公名期字世運為壽所廢

中宗昭文皇帝名壽字武考葬安昌陵

蜀錄范長生字元壽王元正等四川總志晉范賢初名支
字子元陵人隱居西山蜀人敬之號曰長生李雄尊之曰
范賢張肖甫補華陽國志長生一名延久又名九重一曰
支字元當別有據豈因避諱去壽字耶

通鑑惠帝紀蕩進攻衙博於葭萌注云劉蜀改漢葭萌縣
為漢壽晉又改為晉壽此本之漢舊縣名而書之唐為利

州之縣谷葭萌二縣廣業案李特載記李蕩追衙博至漢

德博走葭萌蕩進攻葭萌其下雄班載記並稱葭萌氏王

敵兄弟為利曜所破奔葭萌遣子入質又楊難敵之奔葭萌也雄安北李雅厚撫之班載記李珣勸班以期為梁州

刺史鎮惟勢載記稱晉壽李英自晉壽舉兵反夜出東門與皆堅走至晉壽然後送降文

溫於考葭萌今為四川保寧府廣元昭化二縣地成周時蜀

王開明封其弟葭萌於漢中號苴侯因以命邑漢為葭萌見集地里

志應劭注東漢立葭萌城季漢改漢壽華陽國志云梓潼

郡晉壽縣本葭萌城劉氏更曰漢壽是也又晉地里志劉

脩改葭萌曰漢壽泰始三年改漢壽曰晉壽晉起居注宋

太康元年魏書地形志謂然則李氏始於太安之元是晉惠帝置說各不同帝惠滅

於永和三年

唐書

去漢已遠何獨襲其舊名哉且唐之葭萌

在後魏曰晉安屬新巴郡隋開皇十八年改名葭萌同時

又改與安曰縣谷即元魏東晉壽郡乃葭萌故地見於後

魏隋唐諸志甚明不得援以為據也蓋是時梁益二州郡

縣皆沒於李特

見晉書

至壽又分寧州興古等六郡為漢州

見晉地志

史文皆有所本通鑑自本載記而載記本之十六國

春秋十六國春秋又本之常璩李蜀書

唐時尚存故藝文類聚引之隋經籍

志作漢之書

其以晉壽為葭萌乃李氏避武考諱而改也又案

蜀錄楊難敵與弟堅頭奔葭萌及蕩子安北將軍稚守葭

萌受難敵賄賂事在李雄玉衡十一年華陽國志漢中志

作楊茂搜子敵堅南奔雄至晉壽厚賂雄兄晉壽守將稚

孟知稱葭萌為壽諱無疑至諸書記桓溫滅蜀載記既作

晉壽溫傳又作勢夜遁九十里至晉壽葭萌城

御覽載蜀錄作九百

里至晉壽通鑑穆帝紀作夜開東門走至葭萌

張佳允補

十六

國春秋纂作走九百

當作

里至晉壽今本十六國春秋作

與咎堅走九十里至晉壽葭萌城文雖小異義各有當何

也李氏帝制自為久矣受降之日尚奉偽諱則稱葭萌為

記寔地既內附宜從晉名則稱晉壽為尊王而兼舉晉壽

葭萌城者尤為兩得焉據故蜀人嘗仕勢為散騎常侍其

志漢中雖不明言避諱而曰晉壽本葭萌城此物此志也

唐人志晉地理頗畧宜不之及

晉志稱創信立漢德以

宣漢漢昌三縣置名渠郡尋省以縣並屬已而郡安舊州

郡志者疑漢德為創氏所立又曰何志並渠二州無此郡

今案蜀春秋乃李壽漢興元年事至名渠郡華陽志云延

熙中置九年省永興元年李雄復置今遂為郡則為李氏

所立而溫公考異亦偶遺焉鑑注葭萌兩見又未暇深究

其故不且滋讀史者之疑乎夫僭國紛起之日紀載訛闕

多矣其州郡割裂名寔舛固其小者獨惜崔氏著春秋

時購常璩所撰李蜀書數年始得方稱完書今華陽志既

獨佚李志明儒所續率取載記之文春秋雖存識者非原

書其可考而知者敢畧焉弗及耶若益州之萬壽時亦攷

於蜀符氏之洪池姚興之興晉

興晉太守皆當闕疑以

侯博識者

歸義侯名勢字子仁為桓溫所滅

世說注引華陽國志李勢字子仁祖驤特之弟也驤生壽壽篡位自立勢即壽子也自起至亡六世

前凉 張氏氏人漢張耳十五世孫烈仕魏外黃令生溫太官令溫生軌據河西姑臧軌孫駿僭稱王隨尊軌以弟璽號

國號凉

凉牧州名軌字士彥魏書作產祚追尊太宗武王莫建陵

元公名寔懷紀作實前凉錄作字字安遜祚尊高祖明王戴記作昭王前凉錄作明

案元帝賜寔諡本曰元私諡昭其明蓋又錫歸晉後因避諱改也莫寧陵

威烈王名茂字成遜祚尊太宗成王

李壽傳義興元年奉表於晉曰明公繼統不隕

前志則茂諱當為盛也

忠成公名駿字公庭

異苑作彥

祚尊世祖文王葬大陵

桓王名重華字泰臨

魏書前凉錄作太林今從晉書

祚尊世祖葬顯陵

晉書本傳重華謀稱王祚僭稱帝魏書茂始稱王前凉錄

駿自稱凉王

在咸康間通鑑紀事本末在穆帝永和十年

無祚稱帝之說

哀公名耀靈

前凉錄作靈通鑑因之今從晉書

字元舒為祚所害

威王名祚字太伯小字螽斯為趙長所殺葬愍陵

冲王名元

本字避改親魏書前凉錄作靖初學記引十六國春秋作靜或作天親今從晉書

字元安

為天錫所害葬平陵

悼公名天錫字純嘏一字公純嘏

世說注引張貴涼州記

一字公純嘏

小名獨活降苻堅拜歸義侯後歸晉

晉書本傳初字公純嘏入朝人笑其三字因自改為或謂古未有三字為字者廣業案魏志孟達傳注引三輔決錄伯即涼州人名不令休其注曰伯即姓孟名他達之子則以三字為名若字者乃河西舊俗若北史三字字極多更有四字者如王雄字雄胡布頭是也五季南漢有郭無為字無不為

前燕慕容氏鮮卑人魏初莫跋始建國棘城北見燕代多冠步搖冠好而效之諸部因呼為步搖音訛為慕容遂以為

氏生左賢王木延木延生涉歸涉歸生庖晉封遼東公庖生
統封燕王遷都龍城統生偽僭位追尊庖統帝統徙薊又徙
鄴國號燕

鮮卑單于名涉歸一名其洛韓

梁書作其洛干冊府元
龜作其洛環今從梁書

范亨燕書石勒將宇文乞得歸敗降於庖載記作乞得龜

蓋避庖父名也至慕容偽封下零翟單歸義王則不諱

襄公名庖字若洛庖

宋書其洛韓二子少曰若洛庖別為襄
容氏隋書同載記北史作其洛環御覽

引前燕錄作其洛此誤
以其父名為其子字也偽尊高祖武宣皇帝莫青山

文明王名統字元真

前燕錄作貞
今從載記

小字万年

魏書偽尊為帝號

太祖莽龍平陵

鮑北史作晃魏書亦云名犯恭宗廟諱又前燕錄鮑時有
侍中宋晃奔高句驪後復歸僞更名活拜中尉據此當從
曰下光今姑從載記

烈祖景昭皇帝名儁

御覽引前燕錄及晉地理志作
為宗書天文志作俊今從載記

字宣英

小字賀賴跋

前燕錄

葬龍陵

慕容暉字景茂為苻堅所擒後德尊幽皇帝

附西燕

威皇帝名冲小字鳳皇僭號阿房

三秦記初長安謠曰鳳皇
止阿房苻堅遂以阿房城

植桐數萬株至慕容冲入
阿房而居冲小字鳳皇

為韓延所殺

河東王名永字叔明為慕容垂所殺

前秦 苻氏氏人世為西戎酋長至懷歸生洪稱秦王洪生
健僭位長安丕居晉陽登居南安崇居湟漢中國號秦

載記始洪家池中生蒲如竹形時咸謂之蒲家因以為氏
後以識文有草付應王又其孫堅背有草付字遂改姓苻
野客叢書云苻堅本姓蒲其祖以識文改苻從草符融其
先魯頃公孫仕秦為符璽郎以為氏從竹二姓固自不同
而唐義陽郡王苻璘碑合從竹而書作苻苻堅之苻又有
書從竹者皆失於不契勘耳案趙明誠金石錄考漢碑隸
詳辨書碑者之誤書率以竹為草如符節之字皆然西漢書符瑞多從草蓋
古字通用于祿書云從草者為姓從竹者為印亦未之察

也廣業案世說注載車頰秦書正作符書云本姓蒲洪詐
稱識文改曰符言已當應符命也其言堅初生亦祇云背
赤色隱起若篆文初不言有舛付字則符似亦從竹又蜀
志後主建興十四年徙武都氏王符健於廣都晉書宣紀
又有符雙則氏之有符姓亦不始洪也今姑從載記作符
秦王名洪字廣世健追尊太祖惠武秦錄作武惠皇帝

魏書洪之生也隴右霖雨百姓謠曰雨若不止洪水必起
故名之曰洪

符丕載記奪威督

前秦錄作奮威將軍都督此有訛脫

洪池已南諸軍事涇

泉太守宋皓為呂光所殺洪池舊屬張氏堅平張天錫屬

秦宋皓見殺後又屬呂光故南涼趙振曰楊軌新敗呂氏
方強洪池以北未可冀也嶺南五郡廢幾可取通鑑注洪
池嶺名在涼州姑臧之南唐涼州有洪池府嶺南謂洪池
嶺南案堅平涼州在太元元年殺宋皓在太元十年中間
當必有為其祖諱者今已莫可考矣

高祖明皇帝

前秦錄作景明

名健字建業初名羅字世建葬原陵

前秦錄母羗氏夢大羅而孕生之夜洪又夢族曹氏指健
謂之曰是兒興家門可以吾名字之於是名羅字世建
作健後避石虎外祖張羅名改焉

厲王名生字長生為堅所殺

符堅時相國王隨字安生為生所誅

世祖宣昭皇帝名堅字永固一字文玉

戴記作名今從小字

肩頭

車頭秦書又載記作堅頭

為姚萇所殺

藝文類聚引秦記

宋裴景仁作十卷

曰堅祖洪見其狀貌奇而愛

之欲令頭堅腹軟字之曰堅頭御覽引前秦錄曰堅父雄

字元才母荀氏祈西門豹祠其夜夢與神交孕十二月生

堅背有赤文隱起成字曰草

原注音軍

付臣又土王咸陽洪奇

而愛之名曰堅頭載記太元七年新平王彤言於堅曰案

識云古月之末亂中州洪水大起徙西流惟有雄子定八

州此三祖陛下之聖諱也又曰當有州付臣又王咸東燕

破白虜氏在中華在表則州付本識文非止背文也

甄氏避堅諱改音真詳吳諱

載記云時稱為符詔童謡河水清復清符詔死新城是也

前秦錄作符堅

宋五行志同

哀平皇帝名丕字永叔

魏書作叔

太祖高皇帝名登字文高為姚興所殺

符崇為乾歸所逐

後秦姚氏羌人燒當之後漢時有遷邠者內附元孫柯廻

魏書作回為魏西羌都督生弋仲子萇僭位長安號秦

高陵郡公名弋仲萇追尊始祖景元皇帝葬高陵

大單于名襄字景國為苻堅所殺其追諡魏武王

太祖武昭皇帝名萇字景茂葬原陵

御覽引後秦錄萇僭位於長安大赦改年改長安曰常安

或記北史同

廣業案是稱已見新莽此則曰避長字也載記劉

曜傳云徙都常安又云長安地震蓋因此岐出也然姚興

皇初元年以尹緯為長史又不避宋敏求長安志萬年縣

荆谷水一名荆谿水兩京道里記曰荆谿本名長水後秦

姚興避諱改焉程大昌雍錄引韋述兩京記曰長川以避

姚萇諱改荆谿因此失其舊名雖以師古之博而不能正

今西安府水經注東川水注荆谿長水

藍田縣

高祖文桓皇帝名興字子畧葬偶陵

後秦錄興字子畧通作姚興戴記北史亦然惟晉天文志
義熙三年書姚略遣衆征佛佛四年姚略遣衆征赫連勃
勃九年姚興譙縱僭偽秦蜀忽名忽字殊不可解後見宋
書王鎮惡傳西虜佛佛彊盛姚興世侵擾北邊疑唐人避
諱稱其字曰略又割去名下世字單曰興然魏書亦作姚
興又恐未然也至郝恢傳云姚興遣其子略攻洶城及上
洛則爲誤甚矣又漢書外戚傳胡國珍祖略姚興渤海公
姚遠平北府諮議叅軍使姚名爲略是胡略與之同名矣
無是理也諱畧凡興皆改爲昌不知何據

泓通考音島宋反本名从弓旁北史可據魏書曰姚興女西平公主嫁明元帝故入外戚傳而加水以避顯祖諱然
崔鴻傳仍作弓旁十六國春秋魏人字元子為宋武帝所
所作故亦作泓宋書載記因之非也
滅遠史衡山有僧緇毛覆體自云走晉姚泓當時為別裕所求我不得遂假一號額者新之以立威見王里家賢街
志山縣

後燕慕容氏鮮卑人號第五子垂初仕苻堅還攻苻丕僭稱帝都中山盛居龍城國號燕

世祖武成皇帝名垂字道明一字叔仁小字阿六敦後燕初錄

名霸字道業改名缺後去夫名垂莫宣平陵

前秦錄苻堅傳云關東謡曰幽州缺玉當滅若不滅百姓絕缺垂之本名通鑑紀事本末云號奇其才名之曰霸寵

遇踰於世子偽惡之以其嘗墜馬折齒改名缺尋以其應
識文更名垂二書缺皆從在旁魏書前燕錄載記北史通
志並云偽以垂墜馬傷前二齒改名為缺外以慕容缺為
名內寔惡而改之尋以識文去夫以垂為名缺皆從垂旁
佩觿以干祿書缺從垂旁為不典正譏其臆造也

載記垂謂弟德曰吾可端拱而定關東避垂字故云端拱

烈宗

後燕錄
作烈祖

惠愍皇帝名寶字道祐北史作裕後燕錄
作祐今從載記小字

庫勾為蘭汗所殺

中宗昭武皇帝名盛字道運

古今姓氏
書作類記

自貶稱庶民天王墓

與平陵

昭文皇帝名熙字道文小字長生為高雲所殺葬衡平陵

雲字子兩子實養復姓高氏為幸臣離班桃仁所殺

西秦乞伏氏鮮卑人其先如弗北史作弗如遇一巨虫變為小

兒乞伏宋書作乞佛部養為子字曰紇于號乞伏可汗託鐸慕何

至祐鄰北史作祐鄰部衆稍盛五世孫司繁降於苻堅為南單于

鎮勇士川生國仁稱隴右王至乾歸遷金城後徙西城徙度

堅山徙譚郊熾盤徙枹罕國號秦

烈祖宣烈王名國仁異苑佛佛屠一作乞佛屠立屠暴惡自

死言國名佛佛則是佛中之佛也尋被震

高祖武元王名乾歸為兄子公府所殺葬枹罕陵

載記乾歸弟益州討姜乳恐其專擅使平北將軍韋乾為長史散騎常侍務和為司馬以輔之益州果恃勝自矜虔等切諫上作乾下作虔蓋乾為本名虔因避諱改也

太祖

文昭王名熾磐

北史西涼錄俱作盤

葬武平陵

包墓

伏墓

魏書

末一名茂蔓

宋書

佛茂蔓

字安石跋

北史又西秦

為

赫連定所滅

後涼

呂氏氏人其先文和自沛徙略陽至婆樓字廣平

景

王

為苻堅太尉生光僭稱天王都姑臧國號涼

太祖

懿

後涼錄

武皇帝名光字世明葬高陵

後涼錄光以趙建武中生於枋頭夜有神光之異故名焉

呂纂傳云纂入自青角門昇謙光殿廣業案謙光殿建自張駿在姑臧城南後蒙遜僭即西河王位於此茂虔時朝見羣臣有孤人其東序則終呂氏之世不易名也

隱王名紹字永業光內禪為天王纂殺之

靈帝名纂字永緒為隆所殺葬白石陵

隆字永基降於姚興

南涼 禿髮氏鮮卑人其先有壽闐者其母因寢產於被中

乃名禿髮其俗為被覆之義

載記俗謂被為禿髮因氏焉御覽載蕭方等三十國春秋壽闐

為鳥孤七世祖

至思復健部衆稍衆生鳥孤據涼州僭稱王徙樂都

其弟虎孤徙西平檀徙姑臧國號涼

烈祖武王名烏孤

康王名利鹿孤莫西平陵

時僭國諸帝皆自稱朕王皆自稱孤獨二孤自稱曰吾以
避己名至僭檀嗣兄之統亦自稱孤時有陰利鹿仕於檀
亦不偏諱也

景王名僂

音內沒切檀舊唐書吐蕃傳作檀為熾磐所滅

南燕

慕容氏皝之少子慕容寶末據滑臺稱王後徙廣固

僭稱帝國號燕

世宗獻武皇帝名德字元

本字明後更名備德通鑑改名備德注本名德

既據齊地增上一字為備德虛葬東陽陵

燕錄公孫夫人晝寢生德左右以告方寤而起號曰此兒
易生似鄭莊公長必有大德遂以德為名載記母夢日入
臍晝寢而生德

南燕錄德改元建平詔曰漢宣憫吏民犯諱故改名朕今
增一備字以為復一作二名庶開臣子避諱之路廣業案中
書侍郎韓範疏曰守備之事又更脩德政慕容超詔曰不
能道之以德又朕猥以不德皆不為避惟不偏諱故也

超字祖明為宋武所滅

南燕錄超從羌中投德姿器偉傑有類於德德愛之名之
曰超

西凉 李氏隴西狄道人漢前將軍廣子侍中敢之後十三

世孫弇仕前凉武衛將軍公尊凉生昶字中堅昶字昶自稱凉公

領秦凉二州牧自燉煌徙酒泉繼張氏之業國號凉

太祖武昭王名暍字元避本字盛小字長生葬建世陵

暍與前凉晉書俱入列傳以別於僭國傳首書武昭王諱

暍通傳稱字而不名後主亦然蒙遜載記稱李士業北史

盖其後為唐史臣不敢斥尊故也魏史張實與乞伏同書

李暍與沮渠並例鄭樵以為舊史平心之論今從之

通鑑考異薛仁果諸書或作杲或作果今以醴泉昭陵前

石馬銘為據斷為薛仁果廣業案薛名自作杲唐避武昭

嫌諱改從果猶先天太皇本字元果而新唐南唐二書亦作元果也唐初既為諱名明皇復追尊興獻追遠之意可謂盛矣乃新書宋室大鄭王房有武都公吏部尚書嵩北夢璣言載王蜀先生時有唐宗室生於徐州游於三蜀為道士姓名為李嵩二人皆以祖諱為名何也

宣公名敬字士業小字銅樵為蒙遜所滅唐臣尊為後主

北涼沮渠氏胡人其先為匈奴左沮渠晉宋書沮渠遂以官為

氏至暉仲歸生遮遮生祈復延封伏地王生法宏法宏生蒙遜仕後涼呂光推段業為盟主稱涼王蒙遜殺之自立於張掖遷姑臧僭稱河西王國號涼

太祖武宣王

載記作昭王今從名蒙遜字子房諸書不載字

特擊呂宏遜諫之不以從為宏所敗因歎曰孤不能用于房之言以至於此則子房遜字也

葬元陵

哀王名茂虔

魏書作牧性降魏

夏赫連氏匈奴人劉淵之族北人謂母為鐵弗因以為姓

至訓芝

見夏錄又載記魏書作兒生虎北史夏錄作武一名

烏路孤

北史作詒汁夏錄元皇帝生虎唐入避諱改生務桓一名豹子尊景皇帝生悉勿祈及衛辰

宋書作衛臣尊桓皇帝

衛辰生屈子耻姓鐵弗改為赫連氏據河西居

統萬城僭稱帝以大禹為祖國號夏

世祖武烈皇帝名勃勃

北史作敕敕宋書一名屈子魏書本

太宗

改魏名曰屈子屈子者早下也北史作

葬嘉平陵北史

唐

傳潔為吐京叛胡執送屈丐潔詞氣不撓呼其字而與之言屈丐壯而釋之則勃勃當有字載記以為字屈子是也

秦王名昌字還國一名折降魏

定字直犢降魏

北燕 馮氏永嘉之亂和尊元皇帝避地上黨生安尊宣皇帝安生跋

徙和龍謀弑慕容熙及高雲見殺僭稱天王都昌黎國號燕

太祖文成皇帝名跋晉地志字文起小名乞直伐北史為弟

文通所逼而死葬長谷陵

和追尊元皇帝

水經注大遼水篇龍山下書慕容皝於柳城之北龍山之

南築龍城改柳城曰龍城縣十二年黑龍白龍見於龍山

陳士元卷州志作燕之燕山

鮑祭以太牢號新宮曰和龍宮又黃龍山

下引十三道志曰遼東屬國都尉治有黃龍臺今考前燕錄稱和龍宮北燕載記但稱龍城北史跋傳又稱和龍城而高麗遣使勞文通於遼東詞曰龍城王馮君宋書太祖元嘉十二年封黃龍國主馮宏為燕王高麗傳馮跋治黃龍城故謂之黃龍國齊書索虜傳佛狸破涼州黃龍徙其居民諸稱名互異不及和龍者避跋祖和諱也

昭成皇帝名宏

本字避後同字文通為魏所滅

日知錄慕容熙載記宏光門馮跋載記作洪光門又作洪觀門廣業案熙作宏光門擬都之鳳陽門

五州錄風陽二

十丈長四十丈廣二十丈上此言洪光避文通諱也洪觀
安金鳳二頭共一八津水門通志亦作洪光門則又似一門似另一門逼近宮
禁者

案十六國次序諸史不同魏書崔鴻傳稱彥鸞以劉淵
石勒慕容儁苻健慕容垂姚萇慕容德赫連屈子張軌
李雄呂光乞伏國仁秃髮烏孤李嵩沮渠蒙遜馮跋等
各有國書未有統一撰十六國春秋百卷北史列傳有
夏燕後秦北
燕西秦
北凉今十六國春秋首前趙後趙次前燕前秦後秦
蜀前凉西凉北凉後凉後燕南凉南燕西秦北燕夏晉
書以前凉忠順西凉唐祖升為列傳後秦以下次蜀後

凉後燕西秦北燕南凉南燕北凉夏廣業惟霸史屬辭

隨時起義而羣雄割據有世可稽

案葛之起晉書十六國年表惠帝永興元

年十月漢高祖劉淵自稱漢王改年元熙十一月以僭成太祖李雄自稱成帝王改年建興云云今依之以僭

號先後圖定為此譜附於晉後雖名字多所參考而諱

避不能盡詳觀二石馬鑾黃猛之號慕容備德更名之

詔知當日法制甚嚴若赫連以早弓為名沮渠無諱為

諱

茂度弟酒泉太守名無諱

豈盡責人換易略存大概餘可類推至

於劉氏首禍慕容後亡堅興英明張李文采經籍之盛

隋志獨數符姚固皆可節取焉

六月二十九日夜平復大風雨雪當時火伏已九日山泉已南望雨方停

此良言懷新矣 耕生

經史避名彙考卷十二

海寧周廣業耕厓

帝王九 宋 齊 梁 陳 梁 陳

宋

宋 劉氏漢高祖弟楚元王交之後自交十五世為晉北平

太守膺膺生熙熙生旭孫旭孫生混始家晉陵丹徒之京口

里生東安太守靖靖生翹翹生武帝受晉禪都建康國號宋

高祖武皇帝諱裕字德興小字寄奴本名寄奴葬初寧陵

志潤州上元縣
蔣山諸陵同

名義宋書符瑞志皇考以高祖生有奇異名為寄奴皇妣

祖養於舅氏改為寄奴焉劉懷素傳帝生而皇妣祖與議此母也斷懷敬乳而養之又孔子有雒識曰二口建戈不能方兩金相刻發神鋒空穴無主奇入中女子獨立又為雙奴字雙二口建戈劉字也晉氏金行劉姓又有金故曰兩金相刻空穴無主奇入中為寄字女子獨立又為雙奴字

人事名宋書謝景仁褚叔度張茂度王敬宏本字通犯高祖以字行廣業案以字行者籍注字也孫孝高傳云名處籍注李高故以字行於世籍籍即解既注於籍則國史家傳皆當遵之無異辭矣

乃齊書張岱傳既云父茂度張緒傳祖茂度至張瓌傳又云祖裕岱珠二傳俱云宋金紫光祿大夫梁書謝微傳祖

景仁宋尚書左僕射王峻傳曾祖敬宏位左光祿大夫開
府儀同三司而齊書王延之秀之二傳又皆云祖裕宋左
光祿大夫且南史王褚二人俱名裕之既改還本名亦不
當刪去之字凡此皆史之病也宋書於諸傳或云名與高
帝同或云同高祖諱故稱字南史亦然惟齊東野語乃以
君臣同名譏之過矣日知錄補宋褚叔茂世說阮
裕多稱其字曰思贍或舉官曰光祿曰主簿亦曰阮公亦
避諱也

書符瑞志元嘉二十四年白鳩又見中領軍沈演之表曰
臣聞貞裕之美介于盛王休瑞之臻罔違哲后裕字疑誤

真為揚州刺史太后欲以道憐為之上曰寄奴與道憐豈
有所惜又曰車士小義雖為刺史事無大小悉由寄奴廣
業案高祖此時年已六十餘尚自稱小字史稱帝事繼母
孝謹即此可見矣述異記武帝微時伐荻於新洲射傷一
大蛇明日復往觀之見數青衣童子搗藥問其故答曰我
王為劉寄奴所射今合藥敷之帝叱之皆散收得藥人因
名此草為劉寄奴

皇祖東安府君諱靖

令武南齊書禮志宋初博士司馬道敬議東安府君諱宜

上榜何承天執不同

人事宋書向靖字奉仁小字彌名與高祖同改稱小字

孔季恭亦名靖故稱字

孔靖史作

世說稱吳坦之小字曰道

助不言字處靖者亦避高祖諱也至孝武時何偃謚靖子

明帝時有輔國將軍沈文靖俱不諱豈以親盡故歟

孝穆皇帝

高祖追尊

諱翹字顯宗葬興寧陵

在寧山

晉書韓延之以裕父名翹字顯宗於是更字顯宗名子為

翹以示不臣劉氏然宋垣護之孫名顯宗是不諱字

少帝諱義符小字車兵廢為營陽王葬長寧陵

名義符瑞志劉向識曰上五畫寄致太平草付合成集羣

英前句此小諱後句太子諱也案此則少帝名當從草頭
本紀從竹者非小字稱小諱始見於此

太祖文皇帝諱義隆小字車兒為太子劭所弑葬長寧陵文
帝二名義字為排行與諸王同則當諱隆考本紀表迎法
駕時有給事中游擊將軍龍鄉侯臣隆姓無元嘉二十四
年有豫章太守桓隆之長沙景王傳寧孟龍驤將軍孔隆
皆不之改將謂不偏諱耶是又矯枉之過也

附陵郡邑志永寧本晉長寧郡明帝以名與文帝陵同改
避陵名始此

世祖孝武皇帝諱駿字休龍小字道民南史避葬景寧陵陽丹

秣陵縣山元
和志在上元縣

前廢帝諱子業小字法師為王敬則所弑葬丹陽秣陵縣

太宗明皇帝諱彧字休炳南史作景休景避唐諱小字榮期

葬高寧陵縣志

宋書王景文名與明帝諱同太祖甚重之故為太宗娶景文

妹而以景文名與太宗同南史作以景文名帝故明世廣

業案文帝諸子始安晉平等皆連休字為名是相東本名

休炳既改名彧遂以為字耳

後廢帝諱昱字德融小字慧震自稱劉統或號李將軍帝本

子廢為蒼梧王為楊玉夫所弑葬秣陵縣唐王

〔名義〕本紀太宗諸子在孕皆以周易筮之即以所得之卦為小字故帝字慧震其餘王子亦如之泰始三年始制太子改名昱賓退錄云明帝名或其子名昱聲絕相近似當避也

〔附小字〕蕭惠開初名慧開後改慧為惠蓋避太子小字也

惠開泰始七年卒宋書慧字亦有缺下心字者

順皇帝諱準字仲謀南史作謨小字智南史作知觀禪齊封汝陰王葬遂寧陵

〔人事〕宋書王準之傳改為王淮之惟范泰傳中仍作準蓋元會南史作魯卒於元嘉間本可不避史臣特減筆以為恭

耳然其始止去十字而已至齊書陸澄傳中丞王淮梁書

王僧孺傳祖准宋司徒右長史則并淮字之點去之南史

因作王准之之十七史商榷僧孺祖名準南史作準又宋書

荀伯子傳義熙九年表故太尉廣陵公陳淮又陳茂先表

臣七世祖太尉陳淮陳準諱又陳書高紀實元孫準晉太尉魏

志明帝紀注引漢晉春秋袁准言于曹爽曰皆但去十王

宏之本李之傳外祖何准禮志及何尚亦并去點然者改字不改

音勢非去點無以別於淮也至齊世遂有以准為名者如

虎賁中郎將許准徐孝是也

書金石文字記嵩山會善寺戒壇敕牒碑文淮字本當作

準宋周必大二老堂雜志云敕牒準字去十為准或謂本
朝因寇準為相而改又云曾公亮蔡京父皆名準而避其
實不然予見唐告已作准五代堂判亦然頃在憲院令吏
用準字既而作相又令三省如此寫至今遂定今據大厯
時牒已用准字碑係大厯二年立則知此字自取省筆果若益公
之言而改為準字則未見後人之遵用也廣韻二字並收
准字下注曰俗然管子書準字皆作准莊子平中准文子
放准循繩淮南子眇者使之准王褒洞簫賦夔襄准法皆
用此字緯書有靈准聽京房造准形如瑟十三絃郭忠恕
佩觿集曰字林呂忱用准為平準之準而後魏時中山太

守仇儒為趙準

親書作準

造祇言曰燕當傾趙當續欲知其

淮水不足

北史長孫肥傳

則準字之來久矣又按宋順帝名準

宋書平準令王準之皆作準然管莊諸書亦豈因此而

乎廣業案淳化閣帖有晉山濤奏狀云臣近啟崔諒史

陳准可補吏部郎此准字自在仇儒之前

通鑑晉惠帝元康元年中書令

陳准注云

准注云前有中書令

然管子國准輕重篇作國準靈准

聽乾鑿度引作準史記正義引雒書靈準聽但作雒書雷

聽刪去準字京房之准見續漢律歷志宋志皆作準則不

得謂古體盡然考史游急就章第十七云頭額額額翁目

耳王應麟注碑本頗作准者作麋碑本者吳皇象所書頗

音拙鼻頭也玉篇引漢高祖隆頻龍顏為證今史記作隆
準注亦音拙因知此體昉於漢末音義本與準異晉人偶
借用之至宋世取以避諱其字遂盛行於世輯廣韻者不
復深考頻準準並收而於準字下注云俗廣韻集韻因之
干祿字書準準注云上通下正陳士元古今韻分注云後
漢樊宏傳族曾孫準東觀記作准古字通用正字通遂謂
准是準之重文失之矣乃自齊梁詔敕齊書禮志前准先
准定准之類甚多迄今文牒無不作准字者究所自昉舍順帝其誰與歸乎
制本紀昇明元年八月戊午改平準署百官志平准令一
人丞一人順帝即位避諱改曰染署通考云宋唯掌染故
改染署然御覽引釋

名亦云平準令掌張色意魏晉廣業案南齊書百官志有時已不復掌平物價如漢制矣廣業案南齊書百官志有平准令唐六典注以為宋改齊後置官名雖復而字終不能改矣

日知錄曰魏志后妃傳注甄后曰諱等自隨夫人此諱字明帝名當時史家之文也宋書武帝紀劉諱龍行虎步後周書柳慶傳宇文諱忠誠奮發北史魏彭城王勰傳帝謂勰曰諱是何人而敢久違先教並合稱名史臣不敢斥之爾然宋紀中亦有稱劉裕者一卷之中往往雜見廣業案武紀賊遙問劉諱所在又諱當反復還京口耳又劉諱以寡制衆又劉諱足為一世之雄又尚書奏封唱義謀主鎮

軍將軍諱豫章郡公前後凡數十見惟桓元本字遐謂司

徒王謚曰昨見劉裕風格不凡而劉諱龍行虎步下有桓

元曰我方欲平蕩中原非劉裕莫可付以大事上言劉諱

下言劉裕史駁文也御覽載徐裕永初元年八月西中郎

將荊州刺史宜都王諱進號鎮西將軍此文帝也文紀元

嘉十三年九月立第三皇子諱為武陵王此武帝也既此

諱亦指武帝二十五年八月立第十一皇子諱為淮陽

王此明帝也惟兩廢帝不諱又有并諱字不書者如武紀

桓元與劉邁書曰卿近見劉云何所道永初元年八月立

王太子為皇太子少後廢帝紀泰豫元年四月撫軍將軍

安成王為揚州刺史二年九月撫軍將軍揚州刺史安成
王追號車騎將軍四年九月車騎將軍揚州刺史安成王
進號驃騎大將軍開府儀同三司之類邕時齊高帝亦但
稱齊王順紀齊世子亦稱蕭諱此法在齊梁隋北齊後周
舊唐書皆然惟陳書獨否宣帝稱諱止吳明徹傳一見而
已

齊

齊

蕭氏南蘭陵人漢丞相鄼侯何十七世孫豹

文選注引蕭子顯齊

書作彪此

豹詳唐仕廣陵府丞豹生裔裔生整字公齊晉淮陰令始

居晉陵武進縣整生儁字子武儁生宋太常樂子樂子生宣

帝宣帝生武帝受宋禪都建康國號齊

太祖高皇帝諱道成字紹伯小諱闕將南史作葬泰安陵

志潤州并陽

蕭子顯齊書蕭景先本名道義帝從子薛淵本名道淵俱

避太祖偏諱改梁書太宗后王氏父騫字思寂本字元本

避成與齊高帝偏諱同故改焉廣業案道係排行高帝兄

道度始安本不必避且太祖詔曰風道沾被又曰沒以成

俗江淹高帝禪讓表曰道曜日月澤浸飛泳沈約武帝謚

議曰德茂始蒙之主道居初和之君又云建有國之符成

定鼎之業皆不偏諱蓋國制以垂定準必權其中臣節以

表私忱務致其敬薛王諸人例與文惠承叔同也

附小名祥瑞志孝經鈎命訣曰誰者起視名將將太祖小諱征西將軍蕭思話見之曰此吾家諱也

皇祖太常府君諱樂子字閔通志子葬休安陵

令式齊書禮志建元元年高帝太常上朝堂諱訓僕射王

儉議曰后諱依舊不立訓禮天子諸侯諱羣祖臣隸既有從敬之義宜為太常府君諱至于朝堂榜題本施至極既追尊所不及禮降於在三晉之京兆宋之東安不列榜題孫毓議稱京兆列在正廟臣下應諱而不上榜宋初博士司馬道敬議東安府君諱宜上榜何承天執不同即為明

據其有人名地名犯太常府君及帝后諱者皆改宣帝諱
同二名不偏諱所以改承明門為北掖以榜有之字與承
並謂榜題承明之門也古人宮殿門榜皆帶之字宋時猶然承明本舊廣其門文帝元嘉二十五年改名見宋書
東甯承華門亦改為宣華云廣業案據此則當時避太常
諱甚詳惜諱訓失傳又樂志建元二年有司奏改郊廟樂
辭如肅威樂引牲樂嘉薦樂諸名皆未嘗諱州郡志淮陵
郡陽樂永嘉郡樂成南平昌郡新樂濟陰之樂平建安之
將樂光城左郡鄱陽郡皆有樂成縣名樂者甚多豈音讀
有異不必改避歟何與建元之詔相背也儉言宣帝二名
則皇祖自應單諱而本史及南史皆作樂子所不可解

宣皇帝

太祖諱承之字嗣伯葬永安陵

令式

見在高祖紀宋文帝書曰諱理人所改唐民直亦不

在武幹後又詔曰諱秉命先驅此諱字皆皇考名也并見

人事戴僧靜傳餘姚人陳允本字叔本名承叔避宣帝諱

改文惠太子長懋傳宋元徽末為撫軍主簿轉秘書丞以

與宣帝諱同不就廣業案此一避偏諱一避嫌名然禮志

明言不避又肅咸樂辭曰黃承寶命州郡志南瑯琊郡有

承縣建武省百官志雖改宋丞相為相國而太常衛尉廷

尉秘書等皆置丞未嘗云諱且以嫌律之則高帝之名上

字既犯母諱下字復同父音不亦乖于禮乎

世祖武皇帝諱賾藝文類聚訛作績小名錄作煥字宣遠小

諱龍兒作小名錄子葬景安陵

〔名義〕本紀帝生之夜陳孝后劉昭后同夢龍據屋上故字

上曰龍兒

〔令式〕王慈傳慈字叔寶世祖時除侍中領步兵校尉以朝

堂諱榜非古舊制上表曰夫帝后之德網繆天地君人之

亮蟬聯日月至於名族不著昭自方策號諡聿宣載伊篇

籍所以魏臣據中以建議晉主依經以下詔朝堂榜誌諱

字懸露義非繇古事殷中世空失資敬之情徒率嚴配之

道若乃武功鼎臣贊庸元吏或以勲崇或由姓表故孔悝

見銘謂標叔舅子孟應圖稱題霍氏況以處一之重列尊
名以止仁無二之貴黃冲文而止敬昔東平即世孝章巡
宮而灑泣新野云終和燾見似而流涕感循舊類尚或深
心矧觀徽跡能無惻隱今局禁嶽遙動延車蓋若使鑾駕
紆覽四時臨閱豈不重增聖慮用感宸衷愚謂空標簡策
無益於匪躬直日朝堂寧虧於少惕伏惟陛下刪前基之
弊軌啟皇齊之孝則詔付外詳議博士李撫議據周禮凡
有新令必奮鐸以警衆乃退以憲之於王宮注表懸之也
太常丞王憫之議尊極之名宜率土同諱目可得觀口不
可言口不可言則知之者絕知之者絕則犯諱必衆儀曹

郎任昉議擣取證明文間之即情惟允且班諱之典爰自漢世降及有晉歷代無爽今之諱榜兼明義訓邦之字國實為前事之徵名諱之重情敬斯極故懸廟堂諸楹紳所聚將使起伏晨昏不違耳目禁避之道昭然易從此敬恭之深旨何情典之或廢尊稱霍氏理例垂方居下以名故以不名為重在上必諱故以班諱為尊因心則於理不安即事則習行已久謂宜遵式無所創革慈議不行廣業案魏晉以降論諱莫詳於齊書然反復全史不能得其一二參究齊人文集亦僅免二名連用而已竟不知義訓何字禁避何從但即此例推可見梁陳以前帝諱無不立訓上榜

者唐以來掌之禮部此制不復講矣

廢帝鬱陵王諱昭業字元尚小字法身高宗令蕭詵弑之

本紀王侯五日一問訊世祖獨呼昭業至帷座別加撫問
鍾愛甚重呼為法身又南史武帝臨崩執帝手曰阿奴若
憶翁當好作如此再而崩蓋當時祖呼孫為阿奴然鬱林
呼其妻何氏亦曰阿奴

世宗文皇帝追尊諱長懋字雲喬小字白澤葬崇安陵

齊書帝諱皆空格不書世宗紀於皇太子名亦然詳儲副

廢帝海陵恭王諱昭文字季尚為高宗所廢

高宗明皇帝諱鸞字景栖小諱元本字度小名錄莫興安陵

諸王傳改鸞鳥為神雀

廢帝東昏侯諱寶卷字智藏本名明賢高宗輔政後改為梁武帝所
弑

〔名義〕冊府元龜論者曰名以行義往賢垂範備而之禪術
士識之東昏已卷矣藏以終之其兆先徵蓋天所命矣
和帝諱寶融字智昭禪梁封巴陵王葬泰安陵

梁

梁 蕭氏南蘭陵人與齊同出鄩侯何十九世孫整生鎰鎰
生副子副子生道賜道賜生文帝文帝生武帝武帝受齊禪國號
梁

高祖武帝諱衍字叔達小字練兒

顏氏家訓作阿練素何

訓是也

為侯景所逼絕食崩葬脩陵

元陽志涇州界

名義梁元帝金樓子帝生而靈異有文在手曰武帝并上

諱三字

并上諱五字

姚思廉梁書沈約傳識云行中水作

天子則知或作衍者非

人事

昭明文選王簡栖頭陀寺碑憑五行之軾李善注

僧肇論曰乘五衍之安車今碑本以為憑四衢之軾蓋梁

代諱衍故改焉廣業案張衡西京賦巨獸百尋是為曼延

神山崔魏欬然背見延下注云去聲又李善曰漢書武帝

作漫衍之戲今以韻讀之正當為衍蓋昭明避家諱改也

漢書匈奴傳贊漫衍魚龍角抵之戲南齊書樂志鳳皇銜
書伎歌詞並魚龍之流也本亦謂魚龍漫衍避諱止言魚
龍至後周書以靜帝名衍改為魚龍爛熳之伎顏之儀疏
亦云朝夕徵求唯供魚龍爛熳隋書五代樂志則作漫衍
煬帝紀亦作曼延 梁書劉勰傳文心雕龍五十篇自序
云位理定名彰乎大易之數其為文用四十九篇而已此
雕龍序廣業案變大衍為大易彥和避武帝諱也齊梁書
志篇同
愆皆作讐齊鬱林紀贊十讐有一無國不失梁本紀天監
元年詔嬰讐入罪十一年詔同坐入讐文選亦然陸倕石
闕銘尊嚴之度不讐於師旅刻漏銘授受靡讐陳書世祖

即位詔吏民僛負 顧野王玉篇於大同九年上改行部
無衍字而不避順字之字蓋猶不偏諱也

附小名顏氏家訓梁武小字阿練子孫皆呼練為絹乃謂
銷鍊物為絹絹物恐乖其義廣業案南史周石珍世以販
絹為業正謂練也 南史豫章王綜改名纘在徐所有練
樹並令斬殺以帝小名練故累致意

皇曾祖從事史府君諱副子

隋書禮志副車梁朝謂之衣書車又副輦加笨謂之蓬輦
自梁武始也當是避諱

皇祖治事府君諱道賜

梁書不避賜字惟武紀大同十年三月幸蘭陵謁陵詔故
鄉老少並可錫位一階并加頒賚并普賚內外從官軍主

左右錢米各有差又詔園陵職司並錫位一階并加沾賚
所經郡縣迎候者各賚錢二千此必謝吳梁書劉璠梁興
原文故以錫賚等字代賜字也藝文類聚梁元帝輸江
州節表難免茂宏本字之譏竟微辛毗之勇稱王導之字
是諱道也

太祖文皇帝

高祖追尊

諱順之字文緯葬建寧陵

令式

齊書武紀

衛尉蕭太子詹事蕭丹陽尹蕭汲古本蕭

下皆空格或以園圍之豫章王傳疑上武帝啟有侍幸口

宅口下注云順之宋本諱疑亦梁史原文也魚復侯子響

傳丹陽尹蕭亦作口而注云順宋本諱凡順字以從代之

春秋定八從祀先公傳
作順祀杜注從順也

人事名齊書垣崇祖傳亡命司馬從之謀襲郡廣業案宋
文帝紀元嘉二十八年亡命司馬順則自號齊王據梁鄒
城亦見齊書劉懷珍傳俱作順則此改順為從復以則為
之反似與太祖同名誤矣又齊書王廣之傳殷琰將劉從
懷亦見別宋書殷琰傳作劉順文心雕龍誄碑篇孝山崔
瑗辨挈相參考山乃後漢崔順字舉之者避諱也哀弔篇
蘇慎張升並述哀文順又改慎論說篇夷甫裴頠亦舉王
衍字

禮齊書禮志尚書令徐孝嗣議二漢由太子而嗣位者西

京七主東都四帝其昭成哀和從五君並皆謁廟百官志
州牧刺史條下起漢從帝時皆謂漢順帝也祥瑞志宋奉
始中童謡云云後從帝自東城即位豫章王疑傳入為宋
從帝車騎諮議參軍府掾王敬則傳從帝欲避上皆謂宋
順帝也

竊元帝紀承聖元年詔曰孝子義孫可悉賜爵廣業案冊
府元龜八百引作孝子從孫注臣欽若等曰梁武帝父名
順之故曰從孫則此義孫又姚氏所改非本文也續漢書百
官志孝子順孫烈女義婦及學士為民法式者皆屬表其
門魏志杜畿守河東舉孝子貞婦順孫緩其縣役宋齊諸

詔亦作順孫

齊書天文志建元元年九月癸丑太白從

行於軫犯填星四年六月戊子熒惑從行入東井無所犯

以下並同

文選班孟堅東都賦外則因原野以作苑填流泉

而為沼李善注順流泉而為沼不更穿之也昭明諱順改

為填

顏協傳武帝受禪協父見遠不食而卒上聞之曰

我自應天從人何預天下士大夫事而見遠乃至於此

齊

不為見遠立傳僅見協及後周顏之儀傳因武帝此言也若齊武之於袁粲倘乎遠矣

通鑑注曰從

人避皇考順之諱也困學紀聞曰不云順天避諱也後人

應天之語蓋襲其誤廣業應天不始於梁其曰從人則

宋書已然禮志引易曰湯武革命應乎天從乎人又曰應

天從民時無所避必沈約所改也齊書王儉對太祖曰天
應民從庶無楚漢之事陳顯達與朝貴書太祖應禪從民
傳本梁世祖即位詔亦有應天從民語前此若漢書叙傳應
天順民五星同晷蔡中郎諫高陽侯印綬策曰聖朝遷都
應順天人魏志武紀注夏侯惇謂王曰應天順民復何疑
哉袁術傳術謂羣下曰吾欲應天順民於諸君意如何無
不作順者但以順天為應天則起於漢非襲梁之誤也魏文
帝謂蘇則曰劉子新論十卷題梁劉勰著考唐藝文志
亦然乃其書有以思順名篇者犯太祖諱通考載陳氏書
錄云袁孝政序謂是劉晝孔昭撰終不知晝為何代人其

書近出傳記無稱不知何以知其名畫字孔昭廣業案北齊書儒林傳畫係皇建河清間人著書甚多但無新論之名意即北史所稱金箱壁言也詳拙著目治偶鈔

地理題齊書州郡志順陽郡作從陽郡詳瑞志同劉焯傳從陽

范縝陳顯達傳南鄉縣故從陽郡治也宋書順陽太守屬雍州

觸犯南史蕭琛傳琛以舊恩嘗犯武帝偏諱帝欲容琛從

容曰二此字據通志名不偏諱陛下不應諱順上曰各有家風

琛曰其如禮何

太宗簡文皇帝高祖諱綱字世縉南史作諱綱字世縉小名錄同小字六通為侯

景所廢尋被弑葬莊陵康

〔令式〕廣宏明集簡文上菩提樹頌啟首云臣綱言奉阿育王寺錢以下諸啟皆作諱啟與廣信侯書作綱白稱諱者臣子追改之詞猶文選任昉為齊明宗讓宣城郡公表稱臣公言為蕭揚州薦士表臣臣王言也

〔人事〕沈約為武帝踐祚後與諸州郡敕云億兆與崑岡並燎縉紳與蘊崇共日此時猶不避岡字至元帝太寶元年府州國奉牋曰海水飛雲崑山起燎則諱之劉峻辨命論火炎崑岳陳書梁敬帝加陳公九錫策撲燎火于崑岑〔文選〕傳亮為宋公修張良墓教及修楚元王墓教皆首言綱紀注綱紀主簿之司也教主簿宣之故先言綱紀猶

今出制首言門下也鄭曉吾學編晉詔首稱紀綱唐詔首
直入事其為廣業案網紀不見官志考史傳當是大吏通
王言一也稱非專指主簿也通鑑漢獻帝初平三年州中網紀注云
網紀即謂州別駕及治中諸從事也魏志劉放歷郡網紀
舉孝廉後參司空軍事歷主簿記室徐宣廣陵人與陳矯
並為本郡網紀矯傳則曰太守陳登請為功曹朱建平傳
兖州刺史夏侯威請紀綱大吏設酒梁賀為或由網紀為
主簿或以功曹為網紀則知晉書劉宏傳所稱州府網紀
華陽志李宏傳高玩除曲陽令移檄縣網紀不使遣迎南
齊書張敬兒欲移羊叔子墮淚碑臺網紀諫為不可梁書

齊武帝永明初謝朓為義興太守在郡不省雜事悉付網
紀江淹集建平王散五刑教首云府州國網紀舊唐書大率相類
宋書官制刺史官屬有主簿門亭長門功曹佐史等職郡
守縣令略同而網紀之名自漢魏迄齊未之或改惟梁書
王府稱籤押郡稱典籤此官詳見南縣稱掾屬或主者絕
不復道網紀蓋以太祖諱網武陵名紀此名已革于承聖
間也然當時下教不知首言何者尚俟博考諱畧簡文時
等字不知何據

世祖孝元皇帝高祖諱繹字世誠
御覽引太靖小字七符自
稱金樓子晁氏讀書志元帝道號法車
廣宏明集元帝與

薩蕭法車末署為西魏所害葬江陵荆州府志縣城津陽門外

河東王譽傳為王僧辨所執謂守者曰勿殺我得一見七

官申此讒賊死亦無恨通鑑元帝紀武陵王紀聞湘東王

封元帝初將討侯景謂僚佐曰七官文士豈能匡濟注湘東

於兄弟第七故呼為七官廣業案元帝行七字七符則簡

文小字六通行六可知今吳人呼士大夫子弟曰某官皆

以排行蓋昉諸此唐王定保撫言載隴西李舟與齊映書

稱三十三官足下亦以排行稱也

敬皇帝世祖子諱方智字慧小名錄相小字法真禪陳封江陰

王

南史劉師知本名師通志作思智以與敬帝諱同改

附

後梁 武帝孫奔魏至北周立為帝都江陵

中宗宣皇帝

北史蕭琛傳云追諡孝惠諱譽字理孫葬平陵陵縣紀山縣

同陵

日知錄梁書劉孝綽傳衆惡之必監焉衆好之必監焉傳

作啟謝東宮蓋指昭明宣帝諱譽故改之蓋襄陽以來國史之原文

也乃其論則直書姚察廣業案後梁蕭欣著梁史百卷遭

亂失本見後周書此書不紀後梁其事僅見魏書附庸傳

未必襲用其文蓋梁書惟帝紀七卷姚察撰餘皆思廉所

為疑此思廉自避家諱也顏氏家訓曰答古察字也

世宗孝文

北史及隋書外戚傳唐劉禹錫後梁宣

皇帝諱歸

陳文帝紀字仁遠葬顯陵

後帝諱琮字溫文入隋封莒國公隋末蕭銑僭位諡孝靖皇

帝弟璠字欽文任陳為吳州刺史陳亡吳人推為主為宇文

述所殺

案後梁事見魏書後周書隋書北史明人胡震亨後梁

春秋殊不足觀

附豫章王棟字元吉景侯所立尋廢

武陵王紀字世詢別字大智高祖崩僭號於蜀尋誅

閔帝莊

貞陽侯貞陽侯
湖明子湖明子

附僧逆

漢侯景字萬景小字狗子

隋書

朔方人或云雁門人初仕

北齊後降梁太清末篡弑偽號漢

北齊書

後伏誅為羊鵠所殺
鵠亦作鯤御

覽引三國典畧云景收餘衆過
一小城城人詬之曰跛脚奴

本傳景初仕魏太清初降梁為豫州牧據壽春反叛偽立

蕭正德為帝自為相國及陷臺城景遣軍人直殿省內高

祖問制局監周石珍曰是何物人對曰丞相高祖乃謬曰

何物丞相對曰是侯丞相高祖怒曰是名景何謂丞相後

逼弑高祖太宗迎立豫章王棟矯詔禪位於己偽有司奏

改警蹕為永吉避景名也南史本傳舊儀既唱警蹕識者謂名景而言警蹕非久祥也景聞惡之改為備蹕人又曰備于此便蹕矣有司乃奏改為永蹕二史不同當從梁書南史臺城陷實一百二十日顏之推觀我生賦所謂用速災於四月也與公孫述但稟十二同而旬歲異武帝曰破侯景字成小人百日天子為帝當得百日後果驗

景祖名周父名標

本傳左僕射王偉請立七廟并請七廟之諱敕太常具祭祀禮景曰前世吾不復憶惟阿爺名標南史此下有且在南史伊那得來嘅是衆聞咸竊笑景黨有知景祖名周者南史作周自外悉是

王偉制其名位以漢司徒霸為始祖晉徵士瑾為七世祖
追尊祖周大丞相父標元皇帝南史梁人為景用者故將
軍趙伯超前制局監姬石珍等四人皆盡心竭力若太宰
王克太傅元羅侍中殷不害太常姬宏本字避正等雖官
尊止從人望非腹心任也景以周為廟諱故改周宏正名
珍姓姬焉唐羅華路史注周氏誤廣業案陳書宏正傳載元帝
在江陵與宏直宏正書曰京師縉紳無不附逆王克已為
家臣陸緬身充卒伍惟有周生確乎不援又云松栢後彫
一人而已初不及改姓事南史則云臺城陷宏正詣附王
偉又與周石珍合族避景諱改姓姬氏拜太常景將篡之

際使掌禮儀由此言之雖心存效順而與建康所隸同更
諸牒殆難免於簿乎而陳書曲為之諱何也

陳

陳氏後漢太邱長寔之後世居潁川寔六世孫達為東
晉長城令生康遂為吳興長城人康曾孫鼎生高高生詠詠
生猛猛生齊太常卿道巨道巨生景帝景帝生高祖受梁禪
國號陳

案以姓為國號僅見於此梁敬帝太平二年九月辛丑詔
曰重華大聖為汭惟賢盛德之祀無忘公侯之門必復斯
稱典切矣

夏緯借山隨筆霸先恥其先無傳人侈稱世德
事合為譜而永叔撰唐表繫仍舊貫唯陳書斷

自太尉長
為得之

高祖武皇帝諱霸先字興國小字法生葬萬安陵上本紀寧陵

姚思廉陳書文帝紀天嘉元年詔曰仰惟前德二年詔曰

前皇經濟區宇宣帝紀光大二年太后詔曰還申曩志後

主即位詔思播遺澤又至德元年詔緬思前德皆諱先字

太常府君諱道巨

陳書載高祖兄昭烈王高宗父弟忠壯王名本紀梁太平

二年詔作兄道諱弟休先永定元年追諡贈作兄道諱弟休

先又始興王傳云高祖兄道諱仕梁南康愍王傳云高祖

母弟休先之子也據休先字與高祖名相聯知前作先

者誤其謾之為諱通鑑保唐人傳寫者避武宗諱亦無足異若
昭烈為太常之孫乃亦以道為名則大可怪考唐宰相表
文讚三子諱先霸先休先疑如霧豁姚氏世掌史職思康
父察又仕陳而於世祖高宗祖父之名舛謬乃爾南史紀
傳悉仍舊文一無敕正亦何以別於抄胥乎魏鄺道元注
水經四十卷見魏書北史本傳而李賢注後漢書張守節
史記正義李吉甫六典注諸書稱引皆曰鄺元通鑑注唐
於道字無所避何以割截其名隋志又但舉字曰鄺善長
至舊唐志始正稱鄺道元歷來治此經者未嘗論及考是
時南北交通魏孝文借書於齊鄺注亦引沈約宋書宋書

齊武帝永明六年約卒於梁武天監十二年道元卒於
魏明帝孝昌二年當天監五年其或書先後即此可推知
是書成後江左必競傳抄特以名犯齊高帝梁治事陳太
常偏諱故永明四部文德目錄及太建寫本俱相仍刪去
道字單稱元與齊薛淵同例其舉字又與宋王景文同例
唐人所用皆江左本也唐本既然今所傳者地名改廣漢
為廣魏似矣道武以下諸帝諱則觸_目皆是至宋武帝文帝
明帝皆帝而不名此為傳抄改定益明武帝或作劉公或
作劉武王溜水條上言劉武帝伐慕容超於廣固下言河
間人元文說裕云又言裕塞之武帝不應連姓其原文必
劉裕也下兩裕字乃改之不盡耳讀書論世者諱顧可不

講哉

太祖景

隋書禮志作德

皇帝

高祖追尊

諱文讚

石柱銘作讚

葬

瑞陵

今湖州府長興縣

縣

史論始馬遷史贊始班固後漢書兼之自謂無一字虛設
南齊書亦沿范例姚伯審父子撰梁陳二書避景帝諱與
通贊不復作贊紀傳後但題陳吏部尚書姚察云云其稱史
臣者思廉也魏文貞補入者又稱魏徵至歐陽文忠新唐
書則但有贊而無論又陳書都陽王伯山策曰是用敬遵
民瞻錫此圭瑞圭瑞本圭瓚亦避諱也高祖九錫文拒毫
一卣圭瓚副焉却不避

世祖文皇帝

昭烈子

諱禧

唐宰相表

字子華

冊府元

葬永寧

陵

元魏高祖葬山

本紀天嘉元年詔權倩民丁是不避嫌諱

廢帝諱伯宗字奉業小字樂王廢為海鹽王

高宗孝宣皇帝

昭烈子

諱頊

唐表作瑒頊按本

紀北周書南

趙孝深曰王琳之於瑒頊不肯北而事之明矣又高祖弟休

先子南康王名景朗是始本以瑒字為行瑒作後去之也

字紹世小字師利葬顯寧陵

元魏高祖葬山

後主諱叔寶字元秀小字黃奴為隋文帝所滅贈長城煬公

葬河南洛陽芒山

名義毛喜傳世祖謂高宗曰我諸子皆以伯為名汝諸兒

宜用叔為稱高宗訪於喜喜即條牒自古名賢杜叔英虞
叔卿等十通志作餘人以啟世世祖稱善廣業案南史
謂叔寶反語為少福蓋以二字交互讀之乃得袁愍孫劉
忱亦猶是也

人事名蕭允字叔佐弟引字叔休叔或俱作升徐陵傳直
兵飽叔叔一作僧意皆後主諱改也

案江表鼎玉五選其始皆經北面秉筆者率於舊君之
紀諱新主之名雖義乖古制而例竊前經宋齊諸書可
按也獨梁書於陳武文二帝直書其名陳書更一無所
諱頗疑姚氏矯枉及觀吳明徹傳世祖遣安成王諱慰

曉明徹此諱字謂宣帝時尚為安成王也其餘應書諱
字者或但書某王如虞寄傳岳陽王為會稽太守之類
始知此等悉唐人所刪改本文實不然也然唐撰隋書
又多作諱

七月五日校此與泰十六日潘生為刪以資似未滿因不復勞之矣